



23

✓

Christlich bedencken/

Wund wie fernein

iglicher Christ / die Rotten vnd
Secten/ auch allerley offentliche Ir-
thumen vnd Religionstreitte/ beide von Rechts
wegen / vnd auch mit der that/ zu rich-
ten vnd zu anathematiziren/
schuldig sey.

Wider etlicher Epicurischen Theo-

logen vnd Clamanten surgeben / als
soltten die Leien nicht schuldig sein/
offentliche Kekerien zu
verdammen.

Und zur nötigen vermanung an

alle Christen / auch jetzt alle schwe-
bende Secten vnd Corrupteln zu rich-
ten/ vnd wider dieselbigen
zu streitten.

Sampt einer Vorrede W.

Cyriaci Spangenberg.

R 342758



342758



28. IX. 1983

Z 1799

T. Domicelj, Celovec

5021 01113

Vorrede.

An die Ehrwürdigen vnd wolge-
lerten/ Herrn M. Cyriacum Spangens-
berg/ vnd Herrn M. Zachariam Pectorium/
beide trewe Diener Ihesu Christi/vnd
seiner Kirchen/ in der löblichen
Graffschafft Mansfelt.

Die verheissung vnsern ersten
Eltern im Paradis gegeben/
wird nicht vnbillich/ als fur
den grund Christlicher Reli-
gion gehalten/vnd möcht auch
wol ein vnauschöpflicher Brun Göttli-
cher weisheit gerhümet vnd gepreiset wer-
den. Es wird zwar darin die ganze form
vnd wesen des Reichs Christi abgemalet/
vnd fur die augen gestellt/ Aber vnter an-
dern das am kleresten gemelt vnd ausge-
druckt/das wie zwischen Christo vnd Sa-
than/als Heubtkönigen/ist/also müsse auch
zwischen beider Samen vnd geschwornen
Vnterthanen / eine vnauffhörliche feind-
schafft/krieg vnd streit/bis zum ende gegen
wertiger Welt sein vnd beharren. Das
demnach nu nicht möglich sein kan/das die
rechte Christliche Gemeine vnd Bespons

Vorrede.

Christi / mit dem hauffen vnd Braut des Sathans / könne / viel weniger solle / vmb einigen punct / was die Religion vnd Seelen seligkeit betrifft / in eine vergleichung vnd friedestand treten. Wiewol aber etliche falsche vnd faule glieder derselbigen / solches fast zu allen zeiten / sonderlich in gesehrlichen sichtigungen / listig vnd schedlich sich vnterstanden / gethan vnd noch thun. So hats doch mit der waren Kirchen die meinung nicht / Solte auch dieselbige dieser nachrede billich entzogen werden.

Weiter vnd vber das / weil auch ein igliches teil der feinden vnd heubtsachern / den durch not gezwungenen brauch zu haben pfleget / das es zu erhaltung vnd ausbreitung seines Reichs vnd Namens / die allermechtigste krafft vnd macht ansetzet / Vnd aber Irthumen / Ketzerien vnd Secten des Sathans / der allersterckeste kriegeshauffen wider vnser Religion sind / wie solches in der erfahrung zu sehen. So kan ein jeder bald vnd nur leichtlich schliefen / wie fast zu allen zeiten (sonderlich wenn die krafft der Kirchen am sterckesten) der Sathan / die liebe Braut Christi / durch diese seine macht der Secten pflegt zubezwingen.
ten.

Worrede.

ten / vnd wie im dagegen die Kirchen mit bekentnis der warheit / vnd widerlegung der lügen begegnen müsse. Ist derhalben auch vnmöglich / das nicht Rotten vnd Secten sein vnd streitten / wider die Gemeine / so die warheit rein hat vnd bekennen. Wie solchs der heilige Paulus klar thut bezeugen / Es müssen (spricht er) Rotten vnter euch sein / auff das die so rechtschaffen sind / offenbar vnter euch werden.

Wiewol aber Gott in seiner Göttlichen weisheit / solchs alles weislich vorgesehen / vnd die vnuersönliche feindschafft / aus vielen vrsachen / als nemlich vmb seiner ehre / seines reichs vñ seiner lieben Christen vermehrung vnd erhaltung willen gesetzt / vñ bestetigt hat / Aluch der widerpart / Sathan mit allen seinen gliedern / darob fest noch helt. So finds sich doch / leider / in vnd bey dem hauffen so sich Christi rühmen / innerhalb der mawr der stad Hierusalem / diese schendliche / verrecherische vnd Iscariotische vntrewen / das jr viel / vnd zwar von den gelertesten vnd gewaltigsten / zum teil entwedern nichts wider die Secten warhafftig streitten / oder auch wol vnterm hütlin mit den Sectarien spielen / vnd also des teufels

Vorrede.

Reich heimlich helfen fortschieben. Zum teil so vnachtsam sind/ vñ ein so grosses vertragen auff den Sathan vnd seine schwermereten haben / das sie der zuuersicht sind/ dieselbigen können wol / entweder frey in der gemein sein vnd schweben / oder ja mit ein schein der Alimnistien bedeckt/rhuelich hin vñ her schleichen. Zum teil endlich/ lassen sich ir viel/ sonderlich itziger zeit/ nicht an irem eignem verretterischen gemüt ersetzigen/faren heraus/wollen noch andere bereden/sich fur dem giftigen saurteig der Corrupteln nichts fürzusehen / viel weniger dawider mit Bebet vnd bekenntnis zu kempffen. Disz greulich vbel vnd erschrecklich vngewitter pflegt zwar / in Politijs mercklichen schaden zu thun / Aber in der Christenheit istz so viel schedlicher / so weit das reich Christi dem weltlichen kan billich vorgesetzt werden.

Es möcht im nu ein Christlich gemüt nicht vnbillich gros wunder darob nemen/ vnd nachforschen/ woher doch diese greuliche plag iren vrsprung habe. Aber worumb es Gott lest geschehen/ können wir aus dem oben gesetztem Spruch Pauli leichtlich abnemē. Es redet auch der liebe Simeon von solchem wesen vñ cribration sehr weislich/

4

Vorrede.

vnd spricht endlich/das solchs alles furnemlich darumb geschehe / vnd sich solche alexmen in der Kirchen begeben / auff das vieler hertzen gedancken kund vnd offenbar werden/Nemlich/Gotte/ der Kirchen/ vnd der gantzen Welt/ Welchs dan auch vns Christen zu wissen hoch von nöten thut. Denn wenn alles still ist / vnd keine hiez vnd verfolgung vnd Secten ist / so weis man schier nicht wer Christen vnd Vnchristen sind / allerley hudelmanns gesinde rühmet sich des Euangelions/ iderman wil bücher schreiben / vnd summa alles in einen Samaritischen klumpen gerathē/ Fast wie im Winter allerleien materien / oder wie die Phisici sagen / Heterogenea, vber einander gefriern/ vnd ein vnnützer Globus werden/ aber weiß die Sonne mit irer hiez kömmet/ so treibet sie den klumpen / vnd schaffet / das sich die Homogenea, die materi einer art / ein jedes auff sein ort versamlē zc. Ich weis mich auch noch zuerinnern / das Vnlangst/ ein sehr gelehrter Mann/ gesagt/ vnd ist an ihm selbs war / das BGA die ses lest auch darumb geschehen / damit die Kirchen vnd alle Christen erkennen mögen/ das sie nicht geschützt/ registert vñ erhalten

3.

Vorrede.

ten werden/von vnd durch menschliche gewald vnd weisheit / von diesem Fürsten/ oder jenem Hochgelarten / sondern allein von Christo dem König des Berges Zion.

Vnd dieser dingen hat zu allen zeiten die kirche viel merckliche exempel gehabt/ so haben wirs zur zeit des Interims vnd Adiaphorn auch erfahren/wie dan im weltlichen streit/bey dem hochberühmbten löblichen Churfürsten/Johans Friedrichen zc. sich dergleichen eines zugetragen/damit ieznes Geistlich desto ansehnlicher würde.

7 Ober dis aber sind andere vnd mehr eizendlichere vrsachen / als des Sathans gewald vnd list/menschliche kluhheit (die alles nach ihrer fleischlichen wage pensiren/ vnd als einer Reszten Regel richten wil/ weil sie sich an der einfalt der Religion erzert) des alten Adams furcht fur dē Creuzte. Summa das man Gott nicht mehr liebet denn die Menschen/vnd das man ewige Geistliche dinge / nicht wie gebürlichen/ den fleischlichen zeitlichen kan fürsetzen.

8 Aber es ist vnser furnemen nicht / dieses weiter vnd nach der lenge zu handeln/ Hab aber darumb furnemlich/ dē vrsprung meiner rede hievon nemen wollen / auff das

Vorrede.

Das ich zugleich/ beide der Leser hertzen an-
regen/ vnd auch mir/ zu nachfolgendem han-
del / einen bequemen zutrit vnd eingang
vorbereiten künde.

Damit ich nu die vorrede volbringe vnd
beschliesse/ mus ich kürzlich anzeigen/ wor-
umb ich diese meine geringe arbeit/ euch lie-
ben wolgelerten Herrn hab zuschreibē wol-
len/ Nemlich darumb/ das weil jr fur vielen
andern / ein recht trewes vnd Christliches
hertz zur warheit Christi / wider alle irze
schwebende Secten/ habet/ ich euch darumb
billich ehre/ vñ deshalben vrsach suche/ mei-
nes gemüts vñ liebe anzeigung E. E. kund
zu machen / Sonderlich aber hat mich zur
dedication beweget dis/ das ich gehofft/ jr
würdet durch dis mein schreibē desto mehr
erhitze/ die warheit / wie ihr rühmlich vnd
nützlich angefangen/ hinfort zu verfechten.
Es sind klegliche zeit/ vnd werden on zweif-
fel allererst grewlicher vnd jemerlicher fol-
gen/ Vñ wie hat es Sathan im gewündsch-
ter machen können / denn das er aus den
Predigern etliche zu verfürern vnd Patro-
nen der Corrupteln / viel zu stummen Sun-
den gemachet. Zum teil die jenigen/ so biss-
her die liebe warheit zum tod verteidigt/

Vorrede.

fast der ganzẽ welt (nach dem spruch Christi / Eritis odio omnibus hominibus) verhasset gemacht. Zum teil etliche / in solche verretter verkeret / das sie offentlich dürffen den Christen rathen / sich vmb die Religions streitte vnd irthumen nichts anzunemen. Gjamer / Darumb so sihet man / wie es nothut / das ir etliche trewe beständige Wechster der Christlichen Kirchen auffwachen. Vnd ruff auch ich den lieben Gott an / das er durch seine gnade verleihe / das viel sonderliche diener des worts / durch diese meine Schrifft vnd vermanung / zum streit wider die jetzt schwebenden Secten vnd Rotten / erweckt mögen werden. Bitte endlich E. E. sie wollen mein Christlichs vnd einseitiges gemüt / gegen derselbigen gutwillig erkennen / vnd dieser meiner Schrifft / so sie der warheit gemess / trewe Patronen sein / Amen.

Sebastianus Krellius
Glaucus.

W. Chria=

W. Cyriac. Spangenberg.

Reich wie es in Kriegsleufften bez
des zum höchsten not ist / das man erstlich die
Kriegsleut/ beide Reuter vnd Fußrechte/trew
lich ermane/vnd erinnere/das sie nicht nackend/blos vnd
wehrlos sich in den Zug machen / sondern nach vermö
gen/ein iglicher/sich mit seiner rüstung/ wehre/vnd waf
fen/zur notdult wol verware / vnd darnach im anzug/
auch nicht wetterwendisch werde/nach zurück trette/vm
kere/vnd dauon ziehe/sondern getrost vnd freidig fortfa
re/vnd bey dem hellen hauffen sich verhalte. Auch lechlich
auff der wache / im lager oder besatzung / seiner schank/
stell vnd orts/mit vleissiger auffmerckung der losung/vñ
feldzeichens/sein/ vñ anderer schaden zu verkommen trew
lich warneme. Vnd das man fürs ander auch/wo es die
not/ im sturm/ Schlachten/oder andern angriffen erfo
dert/die brüder anschreie / jrer huldung vnd pflicht erin
nere/vermane/vnd anhalte/auch mit trummel/pfeiffen/
trometen/posaunen / vnd andern feldgetümmel vnd ges
schrey/ beherzt vnd freidig mache/vnuerzagt hinein zu
setzen/drein zu schlagen/tapffer hinan zu gehen/vnd leib/
blut/ vnd gut/ hals vnd bauch an den feind zu wagen/be
stendiglich auszuherten/ vñ sich weder dreyen noch gu
te wort abwendig machen/nach flüchtig zu werden/ oder
die wehre von sich zu werffen bewegen lassen. Eben also
wil beides auch von nöten sein/in dem Geistliche kampf
vnd kriege/den wir gleubigen/vnd rechtschaffne bekenn
der warheit/vnter dem Blutschnit vnser grossmechtig
sten herrn/des Königs der ehren/wider den Teufel/welt/
Tyrannen vnd Ketzer austehen müssen. Da mus man
die soldner/des Herzogen von Bethlehem/die gleubigen
Christen/beide hohes vnd niderstandes/erinnern vñ ver
manen/das sie ja nicht blos / one den helm des heils/ mit

Vorrede.

unbedecktem heubt/nach irem gutdüncken/one den Krebs
vnd panger der Gerechtigkeit/mit blosser brust böses ge-
wissens/ fur jederman barfuss/vnd loss gegürtet/sich an
den feind machen/one schwerd vnd schild/sondern das sie
nach der lere des H. Pauli / ihre lenden umbgürten mit
warheit/vnd angezogen sein mit dem Krebs der gerechtigkeit
/ darzu gestieffet an füssen / mit dem Euangelio des
friedes. Darnach das sie fur allen dingen ergreifen/den
schild des glaubens/vnd nemen den Helm des heils/auch
zu beiden feusten fassen/das schwerd des Geists/welches
ist das wort Gottes/Als dan folget weiter die erinerung
an solche gerüstet vnd wol gewapnet Christen/das sie im
glauben vnd reiner erkentnis bestendig bleiben/ vñ nicht
in creuz vnd leiden abfallen/noch sich das böse vngestüm-
me wetter/bewegen lassen/ widerümb in die alte schue zu
treten/nach Egypten umbzuckerē/ gen Jericho hinab zu
steigen/oder in Adams garten sich zu verstecken/sondern
den angefangenen guten lauff wol zu vollenden/vnd bey
dem heufflin Christi zu beharren/vñ das sie auch wacker
vnd munter sind / in betrachtung/ wie der Teufel gleich
als ein brüllender Lewe umbher gehet/ vnd versuchet/ob
er jemandes finde/ den er verschlinge/derhalbē auffsehens
allenthalben von nöten / das ein iglicher seines standes
vnd beruffs/ vnd der gaben/ so im Gott darzu verliehen/
beineben dem auffgelegten befehl/vnd aller Artikel des
glaubens bekentnis wol warneme/ fur sich selbst fursich-
tig sey / vnd auch andere fur Irthumb vnd verfelschung
warne. Hierauff sol dan fürs ander auch folgē/das man
die lieben Kempffer Christi mit predigen/ leren/ verma-
nen/anhalten/schreien vnd schreiben/ auch reise vnd er-
innere/mit den falschen brüdern/Secten/Rotten/vñ ver-
felschern der Religion/keine gemeinschafft zu haben/son-
dern denselben zu widersprechen mit Gottes Wort/ihre
Arguo

St. Spangenberg.

Argument darnider zu schlagen vnd zu verdammen / vnd
sien nichts recht sein lassen / gleich zugehen / nicht ire fals
sche opinionen helffen beschöner / bementeln / vnd zum
besten deuten / sondern dürre vnd rund heraus sagen / wie
der handel an im selbst gelegen / sich auch nicht iren gros
sen anhang / vermeinte weisheit / geschickligkeit / kunst vñ
verstand / noch ihre gute wort oder bedrewung / bewegen
lassen / zu iren verfelschungen still zu schweigen / sondern
den ernst mit Göttlicher widersprechung gegē sie gebrau
chen / der sich in solchen hohen wichtigen Religions sa
chen vnd Artickeln / der Seelen seligkeit belangend / gebü
ren wil. Dieses haben die lieben Väter im anfang der kir
chen wol betrachtet / vnd derhalben in solchen stücken als
lenthalben / als die trewen Heubtleut / Befelchshaber /
Fehrrieh / Leutenanten / vnd Erabanten vnser HErrn
Christi / jr ampt trewlich vnd vleissig verrichtet / selbst wol
gekempfft / vnd andere auch Ritterlich zu fechten vermas
net. Diweil dan in diesen lezten vnd fehrlichen zeiten /
die feinde vnserer Religion nicht allein von aussen / vns
mit Tyranny anfechten vnd verfolgen / Sondern auch
der teufel vnter vns seine Kotten vñ Secten / vnd solchs
vnter einem gleissenden schein sendet vnd erwecket / wil
sich allerding gebüren / das man solchs nicht verachte /
vnd geringschekig in wind hinschlage / vñ (wie leider viel
thun) also gedencke. Was gehet michs an wer recht oder
vnrecht habēich verstehe es nicht / gebüret mir auch nicht
etwas dawider zu reden etc. Sondern ein iglicher Christ
wes stands er auch ist / sol erstlich seins glaubens vnd Re
ligion guten grund haben / darnach aus dem heiligen Ca
techismo / vnd der Predigt des Göttlichen worts so viel
gelernet haben / das er einem andern auff sein beger / gu
ten bericht / vnd rechenschafft seins glaubens geben / vnd
den widerwertigen ire falsch angezogene opinionen / vnd

Vorrede

Gottlose Lere verlegen / vnd verwerffen könne / vnd im fall / das solches einem jederman / mit scharffen vnd gelarten Disputationen zu thun / vnd die Sophistischen Argument der Secten auffzulösen nicht wol möglich / Sollen doch alle Christgleubige herken / der falschen Lere / mit klaren hellen Sprüchen vnd zeugnissen der Schrifft zu widersprechen / vnd das was vnrecht ist / zu vermeiden / auch andere dafur zu warnen / sich schuldig vnd pflichtig erkennen / vnd sich darzu mit vleissiger auffmerckung vnd bewarung Göttliches Worts gefasset machen / vnd schaffen offemals solche guthertzige Christen / mit irer einfaltigen Glaubens bekentnis / vnd Exempel mehr nutz / denn etliche Hochgelarten mit iren weitleufftigen Disputationibus.

Nu sich aber isiger zeit der vn Rath findet / das etliche Theologen / die furwar eins teils / noch selbst nicht eigentlich bey inen beschlossen haben / wo bey sie endlich zu bleiben bedacht / sich öffentlich hören vnd vernemen lassen / das den gleubigen Leien / ja auch den gleubigen gelarten vnd Predigern / so nicht Doctores noch grosse Superintendenten sind / keins weges gebüre / ja auch nicht gestattet werden solle / von den Kotten / Secten / vnd ist schwebende Religionsstreitten / nach Gottes wort zurichten oder zu vrteilen / viel weniger den einen teil zu verdammen. Wie dan dieselbigen wunderlichen Philosophi / mit ihrer zusammen geflickten / vnd mit menschlicher vernunft gutdüncken gespiecten Theologia / fur grosser weisheit / schier nicht wissen / was sie doch neues / oder auch alt schimlichs auff die ban bringen wollen. So ist hoch zeit / vnd erfoderts die eusserste not / vnd Christliche liebe / das man gegen solche sichere Geister / vnd fleischliche Theologen / die einfeltigen aus Gottes wort / eines besseren / vnd was inen in solchẽ fellen zu thun

thun zusehe vnd gebüre / zum trewlichsten vnterrichte.
 Derhalben ich dan auch lenger dan fur zweien jaren be-
 wegt ward / hievon ein kleins Büchlin in Druck zu ge-
 ben. Des Titel also lautet.

**Etliche hohe vnd wichtige vrsachen / worz
 umb ein iglicher Christ / wes standes er auch ist / schuldig
 vnd pfflichtig sey / zu jeder zeit / sonderlich aber ist / seines
 Glaubens vnd Lere öffentlich bekentnis zu thun /
 mündlich / vnd da ers vermag auch**

Schrifflich.

Als mir nu auch folgendes büchlin zukommen vnd
 zugestellt worden / darinnen des andern stücks gedacht /
 vnd dasselbige mit vleis vnd gutem grunde gehandelt
 wird / das ein jeder Christ neben seiner bekentnis auch
 schuldig sey / den Kotten vnd Secten / vnd also aller ver-
 felschung der Lere zu widersprechen / habe ichs beyneben
 andern meinen geliebten Mitarbeitern am Wort / fur
 gut / nüt / vnd auch not angesehen / dasselbige in Druck zu
 geben / vnd also menniglich mit zu teilen / Des verhof-
 fens / es solle damit vielen gedienet werden. Das es aber
 nicht allen wird gefallen / sichtet mich nicht gros an /
 Denn ich auch nicht darauff bestalt / das ichs einem je-
 den / wie ers gerne hette / machen solle / vnd hats auch
 zwar fur mir keiner gekunt / wird auch wol nach mir also
 so verbleiben. Christliche hertzen vnd gemüter / pflegen
 candido, das ist redlich vnd auffrichtig / von anderer leu-
 te arbeit zu vrteilen / sehen dahin / das die sache an jr selbst
 gut / vnd nicht bawfellig ist / vnd das die meinung dahin
 gerichtet / wie Gotte seine ehre alleine / vnd der Kiro-
 chen die Lere reine / vnd den gleubigen / wes Stans
 des sie sind / was ihnen **E H X J S J V S** besches-
 ret / gemeine / bleibe. Die andern aber / so kein gut Geo-
 wissen haben / bedencken dieser dinge keines / Darumb
 jnen

Worrede.

inen auch nichts gefallen mag/denn was sie selbs furge-
ben/dadurch sie vermeinen in ansehen vnd ehren zu kom-
men/Derhalben sie auch den menschen zu gefallen/in die
Theologiam/die thörichte Philosophia/ vernunft/ vnd
weltlicher weisheit gutdüncken mit einfären/vnd durchs
einander vermischen/vnd also die Religion schendlich ih-
res gefallens verkeren/ vnd darnach alle/die damit nicht
stimmen / als störrige / eigenstänige / vnd auffrührische
köpffe/feinden/hassen vnd verdammen / auch nicht wol
dulden noch leiden können/ vnd lezlich in den vnfin gera-
then / das sie auch den seligen Luthern in denen stücken/
da ers mit inen nicht helt / als einen Keker verdammen/
vnd vnuerholen sich vernemen lassen / Er habe in vielen
dingen gejret/vnd zu dem sich verwundern/das noch leu-
te sind / die so viel vom Luther halten / das sie sich lieber
vnd mehr nach desselben schriften vnd verklerungē rich-
ten / denn nach anderer / weis nicht was/wetterwendis-
schen Theologen meinungen.

Aber las solche Flattergeister hinfaren/vnd bedenck
ein jeder/ welch ein edles kleinot/ vnd werde beylage/vns
der herzliebe Man vnd holdselige Lerer/ D. Mart. Lu-
ther/in seinen Schrifften gelassen habe/vnd brauche ein
iglicher derselben/ in bekentnis reiner Lere / vnd ernster/
stider/widersprechung/aller Halbhöfslers/vnd Wetterha-
nen/Damit man nicht fur solche heilsame Gottes gabel/
in verachtung oder mißbrauch derselben vndanckbar ero-
funden werde. Gott sibet wol eine zeitlang zu/wird aber
gewislich zu seiner zeit schwer rechen schafft fodern. Dar-
umb sey gewarnet / wem seiner Seelen seligkeit lieb ist/
Ist ist auffsehens am nötigsten. Gott gebe vns allen
gnade / seinen willen zuerkennen / zu lieben
vnd zu vollbringen/durch Chris-
tum/ Amen.

9

Ob und wie fern ein Christ Secten und Irthumben/ beide de iure & facto, von rechts wegen/ und mit der that/ richten vnd anathemas tiziren solle vnd möge.

Eist meniglichen kund/
wie das ißiger bösen zeit nach / vnd
von wegen so vieler Secten vnd Cor-
ruptelen / diese frage fast gemein / vnd
auch von Gelehrten in vnseren Kirchen/
auff vnd abe getrieben vnd gehandelt wird. Ob auch
alle Christen sollen vnd mögen / die Reli-
gions streitte / vnd allerleien öffentliche
Irthumben / vrteilen vnd verdammen.
Auff welche frag/ were zwar nicht so gar schwer/ oder
auch gefehrlich/ recht vnd Christlich zu antworten/ auch
sich in dem fall Gottseliglichen zu verhalten / wenn an-
ders eine ware furcht Gottes in vnsern augen were/
vnd die rechte Richtschnur Göttlichs Worts / nicht der
fleischlichen weisheit Regel / hierinnen gefolgt vnd ge-
braucht würde/ Aber weil die bosheit/ welche allezeit mit
eigensin Gott verachtet / etliche Epicurische Lerer vnd
Prosopolepten/ das ist anseher der personen/ besessen/ ih-
ren verstand vnd hertz eingenomen vnd verblendet/ müs-
sen wir/ leider/ so gar verkerte/ ja Epicurische vrteil vnd
Kathschlege/ von vnd in so wichtigen sachen/ allenthal-
ben in der kirchen anhören/ vnd mit grosssem schaden des
Reichs Christi in der that leider erfahren.

E

Denn

Ob vnd wie fern/ Secten vnd

Denn es sind etliche Lerer/ welche auch mit gedruckten Schrifften/diss vngereimpte Epicurische geschrey/ in der gemein Gottes/vñ vnter die einfeltigen/on grund erschallen lassen / das keines weges alle Christen mögen oder auch sollen / die Religion/ spaltung vnd Irthumen richten vnd schlichten. Vber die sind etliche/so gleichwol mehr scham haben / welche der Secten vnd Corrupteln vrtheilung/entweder nur allein auff die Gelarten/oder ja auff den wenigsten teil der Christen ziehen vñ anbinden. Etliche sperren das maul noch weiter auff / vnd sagen/ das die einfeltigen Leien allzumal/die ausser dem Predig ampt sind / ganz vnd gar nicht schuldig sind / auch nicht sich mit dem geringsten einerleien Religionsstreitten anzunehmen/noch sich damit bekümmern sollen / Sondern bey ihrem einfeltigen Catechismo bleiben / vnd sich die zencfischen Pfaffen mit den Schwermerceien bemühen lassen/ one nachdencken vnd anzeigung/ob eine Lere mit irem Catechismo streitte oder vbereinkome/ sollen solchs gleich gelten lassen/vnd nichts darzu sagen. Endlich vrteilen andere anders / doch fast alle Vnchristlicher weise / Welche vngleichheit / ja viel mehr Gottlosigkeit / der Opinions/von den Propheten zu Jerusalem herkommenden/vnter andern grewlichen vbeln auch den Jamer (als iren eigenen effect) in der Gemein der Christen stifftet / das so viel Nemisten / Nullisten / Neutralisten / Nullarts Brüder / Verrether vnd Epicurer / sich hauffen vnd vberhand nemen / damit ja nnr eilend das Epicureum seculum einbreche / vnd die Welt vollend einneme.

¶ Weil ich dan nu offemals vber diesem allen/bey mir selbs ein bedencken hette/ vnd in dem solch Heidnisch vrtheil/ mit der Rickschnur Göttlichs worts abmese

Gethumen / zu richten vnd vtheilen.

abmessen thette / auch nicht wenig mir zu herzen gehen
 ließe / den grewlichen schaden / so die liebe Kirche auch
 von diesem ungewitter erleiden mus / vnd allererst / so
 nichts dawider gethan wird / viel mehr wird erleiden
 müssen. Habe ich nicht fur Vnchristlich noch vnno-
 sig gesucht / diese materi / vnd ganze sachen irgends
 mal anderen mehr frommen Christen / oder auch der
 ganzen Kirchen Christi öffentlich fürzustellen / vnd
 nach wurden dieselbige zuerkennen / vnd rechtmessig zu
 entscheiden / fürzubringen.

Wöcht aber ein Klügling mir vbers maul faren /
 vnd zu mir sprechen / Wie? Bistu armer allein flug?
 Schemest du dich nicht / in dem du dich vnterwindest /
 von so hochtreffentlichen sachen / wider so vieler hoch-
 gelarten vnd alten Leute meinung / öffentlich zu dispu-
 tiren? Dem antworte ich / das ich zwar gerne meine
 grosse mengel vnd jugend erkenne / Aber mit dem bes-
 ding / das was ich gleichwol aus G D E S Wort
 gewis weis / dasselbige zubekennen mich nicht scheme /
 vnd solten alle Gewaltigen vnd Philosophen / oder welt-
 klugen darüber zerbersten. Es ist aber nichts neues /
 sondern ihr gar gemeine vnd alte Pfeiffen oder furs-
 worff. Wer vnd was bistu / du Zimmermans Son /
 du Mönich / du Vende oder Slaue? Welchen furs-
 worff die Gottlosen Leute meinen / das es eben so in
 Geistlichen / wie in Philosophischen Weltlichen sachen /
 seine stat vnd bedencken habe / So sie doch weit feis-
 len / vnd nichts wissen / weder die krafft Gottes / noch
 das Gott den Vnmündigen / oder wie sie E H X J o-
 sus nennet / Vnweisen / oft / ja gemeiniglich ein solch
 liecht vnd erkenntnis gibt / derer dingen / darin die weis-
 sestten Lerer schendlich tappen / irren vnd straucheln.

Gh vnd wie fern/ Secten vnd

Ach das wir Christen in der Religion / auff die sachen selbst achtung hetten / vnd nicht nur auff das ansehen der Person/ so würde offft grosser jammer vnd Irthumb verkommen.

Aber das ich auch aus keinem obermut / viel weniger mein verstand in diesem etwa sehen zu lassen / diese ja sehr wichtige/ vnd wie manchen düncket/ schwere materi/ die auch one gefahr vnd anfechtung nicht sein wird/ für die hand genommen/ kan mir mein gewissen/ vnd allein Gott selbs/ ein erforscher der herzen / gnug zeugnis geben. So zweiffele ich endlich nicht/ das/ wenn fromme Christen / meine meinung vnd bedencken/ nicht aus der Cistern fleischlicher weisheit/ sondern aus dem Brunnen Israel geschöpfft / Christlichen vnd one Sophisterey einnehmen/ sie als dan/ auch durch jr eigen gewissen darzu verursacht vnd getrieben / der warheit selbs den beyfall thun / vnd vielleicht meine derselben erklerung nicht ganz vnd gar vernichten / sondern viel mehr loben vnd annemen werden.

So bringe ich nu auff die Ban / diese frage. Gh vnd wie fern ein iglicher Christ/ von rechts oder schuldigen pflichts wegen/ vnd auch mit der that möge vnd solle/ Secten vnd Corruptelen richten.

Die aber verstehe ich die Secten nicht allein / so langst verlossen / oder das Bapstumb allein / sondern alle in gemein / vnd sonderlich ist schwebende Schwermereyen vnd verführungen / mit sampt iren Stifffern vnd Patronen / wie die in der Confutation der Fürsten / Herzogen zu Sachsen etc. vnd der Prediger in der löblichen Graffschafft Mansfeld / vnd endlich in

neulis

Irthumben / zu richten vnd vnterleiten.

neulicher schrifft der Theologen/der Sechsischen Sted/
nach einander erzelt vnd confutirt sind. So ist auch son-
derlich im Büchlin / Supplicatorij libelli genant / ellis-
cher Theologen/ demonstrirt/das schwebende einfürung
warhafftige Secten vnd Irthumben sind / vnd nicht als
lein den Namen haben / vnd das nemen wir vns hie in
dieser vnser schrifft sicher vnd vnuerzagt beuor / Denn
ich weis/ das sie es so gründlich / so klar vnd deutlich ge-
macht / das ich künlich allen widersachern vnd Proso-
polepten / mit jnen den trog biete / das sie es anders im
grund mit warheit darthun vnd beweisen. Also auch
weiter / das wort Richten bedeutet vns/ nach Gottes
Wort erkennen vnd verstehen/ verwerffen vnd verbans-
nen/ widerlegen/ fliehen vnd meiden / auch andere war-
nen/ sich hütten fur dem/was irr vnd falsch ist.

Von dieser frage / wollen wir jst / mit der hülffe
Göttlicher reichseliger gnade / handeln/ vnd darauff ei-
nen klaren/gewissen/ beständigen bericht thun. Ob wol
vielleicht nicht so vollkömlich/vnd nach würden der Ma-
teri / jedoch nach der einfeltigen notdurfft vnd meinem
vermögen / auch der zeit gelegenheit. Vnd bit hiermit
die zarten ohren/sie wollen mirs nicht verargen/viel we-
niger vngedult tragen/ wo sie mich viel mehr der kurzen
vnd richtigen/ denn der weitschweiffenden hochdrabens-
den art nach / von der sachen hören werden. Denn ich
werde nicht Isocratum numerum, noch Demostheni-
cam grandiloquentiam, noch endlich Ciceronianum
splendorem, in meiner rede brauchen / sondern der lie-
ben einfeltigen warheit folgen / vnd mich an der benö-
gen lassen.

Weil nu dis erstlich zuerinnern ist / das die frage
jst furgelegt/ nicht eines einfeltigen verstands/sondern

Gh vnd wie fern/ Secten vnd

gleich in zwo etwas unterschiedene meinung gefaltet ist. So wil/der richtigkeit nach/einer teilung vnd guter ordnung von nöte sein. Es ist aber das erst stücklin in dieser frag/ Gh alle Christen de iure, von Rechts wegen/sollen vnd mögen die Corruptelen vnd Religionstrette/urteilen? Von diesem ersten teil müssen wir erstlich reden / vnd also handeln/ damit jedermenniglichen sehen möge / wie die oben gemelten Epicurischen vrtail vnrecht / Vnchristlich/ vnd hochschedlich sein.

alle Nu wolan/damit wir one alle vmbschweyffe/stracks vnd richtig zur sache gehen / so sage ich hierauff klar/mit ernst vnd bestendiglich / wider das oberzelt Epicurisch geschrey / Das alle / so Christo dem Herrn angehören/ vnd in seinem Reich sind / von Rechts vnd schuldiger pflicht wegen/ mögen / vnd allerding schuldig sein / die Secten vnd allerlei Corrupteln/ der reinen von Gott vns offenbarten vnd vertrauten Lere / rechtmessig zu richten vnd zu verdammen.

Dieses meines nicht vnbedachten/ oder künen/sondern viel mehr Christlichen vrtails / was ich fur hochwichtige / vnd auch richtige gründ vnd vrsachen habe/ bitte ich alle fromme Christliche Leser / vmb des willen/ der die warheit selbs ist/wollens mit vleis vnd gedult anhören / ja auch Christlich vnd trewlich erweigen vnd beherzigen.

Alber / Gh der verkerzten zeit/darein wir so gar newlich gerathen / Denn man ja noch des lieben tages gedenccken kan / da man ober diesem allem / keinen zweiffel hatte/sondern eines sünes mit Luthero war/ das nemlich ein iglich Christ schuldig sey/ falsche irrige lere/
vmb

12

Irthumen / zu richten vnd vrtellen.

vmb der ehre Gottes willen / ja auch bey verlust seiner seligkeit zu vermeiden. Nu aber zweiffelt man nicht allein / ob die jenigen Irthumen / Irthumen sind / die man zuvor / in so grosser solemnitet / fur der ganzen Welt / mit einem munde verbannet / Sondern felt auch in die heilose frage vnd zweiffel / Ob Christen auch schuldig sind / die Corruptelen zu richten vnd verdammen / Vnd müssen derhalben das / dessen jederman gewis sein solte / allererst beweisen / Wenn wir in zweiffel nemen / Ob Christus fur vns gestorben / vnd müste vns das einer auff's newe beweisen / würde vns nicht alle Welt ausscharren / vnd vns weidlich lachen? Aber hie haben wir kein bedencken / habe leider sorge / es wil fast dahin mit vns kommen / das man nichts mehr in der Theologia achten werde / man beweise / man maches auch so klar / als man immer solle. Nu die gewulche woluerdiente plage / bringet solches mit sich. Wir wollen zur sache. Es wird noch gleichwol vnser trewe arbeit / doch bey den nachkommen etwas frucht schaffen / oder ja auff's wenigste den Gottlosen vnd widersachern / zum zeugnis wider sie sein vnd bleiben / **G D E E** wird dennoch die seine Aufferwelten wissen / also in seiner hand vnd Väterlichen schutz zu stellen / damits ihme kein Teuffel / mit alle seinen Schwermereien daraus reisse.

Unfenglich / so ist ja gewis / kan auch von keinem Christen jrgend auff einerley weise verneinet werden / das alle gleubigen gros vnd klein / durch den Son **G D E E S** deshalben / nicht allein erlöset / sondern noch darzu aus des Sathans Tyranny ausgeführet / vnd in das Reich Christi / mit der that gesetzt vnd besetztigt sind / das sie in demselben die Ehre /

i. lca.

ires

Ob vnd wie fern/Secten vnd

fres Erlösers vnd einigen Herrn/ fur allen dingen/ vnd mit reinem herzen in achtung haben / suchen vnd dafur streitten. Dargegen aber des Sathans/ seines vnd der Kirchen höchsten feindes vnehre rugen / vnd auch ihme ernstlich vnd bestendiglichen widerstreben sollen.

Dieses/ sage ich/ ist klar/ bedarff auch bey Christen gar keiner weitem beweisung / dazu dan aber gleichwol auch dieses weiter wol zubedencken mit zukömme / das nemlich ein iglicher Christ / in der heiligen Tauffe vnd sonsten/ mit einem hochtewrem Eide gelobet/ ja sich dem Allmechtigen Gott / der heiligen Dreyfaltigkeit selbs verbindet vnd verpflichtet/ wie das er eben dis/ so ist gemelt thun/vnd Christo in seinem Reich also dienen wolle/vnd auch solle.

Nu aber / was ist alhie Christi ehre suchen vnd fordern/oder ime in seinem Reiche dienen/anders/ denn als les das jenige furnemen/ vnd sich befleissen zu thun/so er geboten/ also / das solchs wenns gethan ist / möge zu lob vnd ehre seines heiligen Namens / zu ausbreitung seines heilbertigen Reichs/ vnd verbringung seines gerechten willens/ recht gedeien vnd gezogen werden? Gleich wie auch dagegen des Sathans vnehre suchen/ vnd ime widerstehen/ ist anders nichts/ denn/ nicht allein seinem furnemen vnd gewald / sich mit geistlichem kampf widdersetzen / sondern auch allen seinen Werkzeugen vnd Instrumenten widersprechen. In summa alles das jenige mit vleis anstellen vnd thun / so immer zu desselbigen lügenhafftigen Namens verunehrung/seines schedolichen Reichs zerstorung/ vnd boshafftigen willens hinderung vnd brechung / kan bequemlich sein/ vnd nützlich angewendet werden.

Daro

13
Irrthumen / zu richten vnd vrtellen.

Darumb / weil nicht solchs allein / sondern auch dies
ses weiter gewis vnd vnleugbar ist / das die Secten / ihr
ganz schwermerisch geschmeis / des leidigen Teufels für
nempst progenies / vnd verissima proles sind / ja als ein
sterckeste Heerskrafft / wider die Religion (darin beide
die ehre Gottes hic auff Erden / vnd aller Christen wolo
fart vnd patrimonium stehet) auffgetrieben vnd gesetzt /
Wie darff nu ist einer hertretten / sein Gottlos Epicu
risch maul auffthun / vnd sagen / Das nicht alle Chris
ten (zu dieser schuldigen danckbarkeit / mit zweien Adas
mantischen seulen verbunden) die Irrthumen vnd Cor
ruptelen / als den leidigen Teufel selbs / fliehen / meiden /
ja dawider streitten vnd kempffen sollen? Oder aber ist
semands vielleicht noch so küne / der verneinen darff /
das die Secten / das aller schedlichste vnkraut nicht von
dem feind iren vrsprung nemen / oder auch nicht Gottes
ehre vnd sein Reich anfechten / der trette her / es sollen jm
die augen auffgethan werden.

Lieber Gott / ist doch vnter den armen Menschen
in zeitlichen sachen / der Eidpflicht so hoch vnd tewer /
wie viel mehr ist vnd solte auch solchs bedacht werden in
ewigen sachen / vnd gegen dem Allmechtigen allein waro
hafftigem Gotte? Darumb mag ein iglichs ist wol in
sein Gewissen sehen vnd bedencken / wie eine grewliche
Blasphemien / nicht in Menschen oder Menschlichen
Rechten / sondern wider Gott vnd seine ordnung / ja auch
in das rosenfarbes Blut Ihesu Christi / am stam des
Creuzes vergossen / freuentlich ausspeiet / der da haben
wil / das nicht alle Christen schuldig sind / die schwebens
den Corrupteln reiner Lere / zu richten / vnd als des Sas
thans gift vnd gestanck zu anathematiziren.

Gb vnd wie fern/ Secten vnd

Vnd was solte ich hie von viel mehr sagen/ Ist doch auch also gethan/ vnd gleich als von der natur/dis allgemein Gesez eingegeben vnd geordnet/das die glieder eines jglichen Reichs vnd gemeinschafft/ solten vnd müssen ihres Königs oder Herrn/ vnd der ganzen Gemeine wolart suchen/vnd dieselbige fördern vnd mehren/ Dagegen aber den waren feinden nicht anhangen / viel weniger denselbigen helfen / oder sie verrechtlich fördern / Ja es ist keine / auch vnter dem vnuerständigen Viehe so geringe gemeinschafft / oder verwandnis / es hat dis Gesez in seiner natur eingepflanzet/ es thut auch darnach/ vnd helts stettiglich. Man köndte zwar solchs allein an dem winzigen thierlin der Vire herrlich beweisen / wo man Exempel einbringen solte. Dieses Gesez hat auch seine merckliche vrsachen/ Nemlich die eufferste not/Denn wie köndte oder möchte sonst irgend eine Gemeine / sonderlich in dieser grewlichen Confusion vnd verwirrung bestehen?

Darumb/da wir gleich in jener vnser einforierung/ oder einweihung ins Reich Christi / vns nicht vercidet/ vnd die militiam oder sold angenommen / so were doch da das allgemeine natürliche Gesez vnd not vorhanden/ welches vns darzu (Nemlich zu allgemeiner erhaltung vnd mehrung des Reichs/darin wir wonhafftig) vermögen/ ja viel mehr zwingen vnd treiben solte/ vnd das desto mehr vnd hefftiger / dieweil dis Reich vnd gemeinschafft der Christen viel herrlicher / ja ein Reich vber alle Reich ist. Es ist / sage ich / Christi Reich nicht ein Vinen Reich/sondern gar tewer/als mit Gottes Sons blut erworben vnd gebawet / darin billich die Einwohner einen andern ernst furwenden / vnd dasselbig also in hut haben müssen / damit es vom Teufel vnd seisnem

Sagt ein 7d.

14

Irthumen / zu richten vnd vtheilen.

nem Geschmeis der Secten / nicht verwüestet vnd zer-
rissen werde. So mus mir nu gewis das ein seltsa-
mer Landsknecht sein / der in einem Heer ist / vnd helts
doch mit seiner obersten Rotten nicht / der auch seines
Herrn vnd seine feinde nicht hasset. Ja viel mehr mus
mir das ein schelmischer verretherischer Hauptman
sein / der seinen eigen Landsknechten verbeut / eintrecht-
tiglichen / vnd sonderlichen wider die Feinde zu streit-
ten.

Alch vnserer thorheit / vnd schendliche
tregheit / in den Göttlichen heilsamen sachen / welche
auch der Herr selbs / mit harten worten straffet vnd bes-
klaget / da er bekennet / wie das die Kinder dieser welt/
viel vorsichtiger vnd vleissiger sind in ihrem thun / denn
die Kinder des Liechts / welches / so es jrgend in einem
stück war ist / so ist in diesem gegenwertigen am war-
hafftigsten. Wir sehen vnd erfahren ja allenthalben/
wie der Sathan in dem fall seine Gemeine vnd Heer
so wol bestalt / Das ist ein vnaufflöslich Decret bey jme
vnd den seinen / das er in seinem Reich keinem zugibet/
noch den leiden wil / der Neutralis / Nullist oder Nie-
mandist were / das ist / der es mit dem herken vnd that/
mit niemands hielte / wie doch etliche in der gemein Got-
tes sein wollen. Sondern allzumal / gros vnd klein / ho-
hes vnd nidrigen Standes / Gelerte vnd Ungelerte /
treibet vnd nötiget er krefftiglich / sein Religion vnd
Reich fortzusehen. Dargegen des Herrn Christi Kirche
zu stürmen vnd zu schmclern. Es kan jm oft einer nicht
gnung wunder nemen / was fur rasende hartneckichte
halstarrigkeit / bey vielen Kezern befunden / vnd gesehen
wird / wie hizig / wie schnell / wie mutig / wie bestendig sie

Ob vnd wie fern/ Secten vnd

ihre Irthumen können verteidigen / vnd darob halten. Ich zwar kenne ihr viel/ die erstlichen/da sie sich noch zu dem reinen hauffen der Christen gesellet / gar treg vnd furchtsam gewesen / die warheit lauter zubekennen/ vnd nur etwas darümb zu leiden. Da sie aber endlichen anders geschaffen / vnd entweder selbs Irthumen ausgesprenget / oder anderer sich anhengig gemacht haben/ sind sie so beherzt worden / so halstarrig kühn/ das sie nu wol dürfften eine S. Laurentische Marter aussehen. Darümb weil nu der Sathan mit den seinen/diese stette gewonheit vnd brauch hat/ in so gar ungerechten Gottes lesterischen/vnd inen selbs am schedlichsten wercken/ wie viel mehr gezimptes sich vns Christen / das wir vns in dem Reich vnser Erlösers also dapffer vnd feck hieltten/ fur Gottes ehre / vnd aller mitglieder wolfart / wider die Secten / des leidigen Feindes Hauptleute / zu streitten?

Vorzeiten bey den Heiden/ sonderlich in der weitberümbten Stad Athen / ist die rechtmessige vberausnüssliche gewonheit gewesen / das sie keinen in irer Bürgerschaft/oder Gemeine haben annemen/viel weniger dulden wollen / der sich nicht mit einem Eidpflicht verbunden/ das er der ganzen gemeine allgemeine wolfart allenthalben suchen vnd fördern wolle. Aber was schadets / das wir die wort des Juraments hiezuschreiben. Lateinisch lauten sie also. Non ignominia afficiam arma sacra, neq; deseram meum altitem quocum iunctus fuero. Dimicabo pro sacris & prophanis siue solus siue cum multis. Patriam non relinquam in deteriore statu sed ampliori, melioriq; quam acceperim. Semper magistratui præfecto prudenter obediam, & legibus constitutis parebo, atq; alijs

qui

45

Irrthumben / zu richten vnd vrteilen.

quibuscunq; plebis consensu decretis. Quòd si quis leges vel irritas facere, vel eis obtemperare non velit, non concedam, sed vlciscar tam solus quam cum pluribus. Sacra quoq; patriæ colam. Horum mihi Dñi testes & conscj sunt. Auff deutsch möchte mans also geben. Ich wil die heiligen waffen nicht beschenden/noch verlassen meinen beysteher/mit dem ich werde verordnet/Wil streitten fur die Religion vnd Weltliche sachen/allein oder mit ander mehren / Das Vaterland wil ich nicht lassen in einem ergern stande / sondern in einem bessern / als ichs bekommen. Ich wil allzeit der Oberkeit fürsichtig gehorsamen / vnd den gesetzen / so bestimpt sein / auch allen von der gemein angenommenen saktionen. Vnd so jemandts ist/der die Gesez entweder zunicht machen/ oder denselbigen nicht vnterthemig sein wolle/wil ichs nicht zugeben/sondern einsehen darin haben / so wol fur mich selbst/ als mit andern vielen. Die Väterliche Gottesdienst wil ich auch halten / dessen sollen mir die Götter gezeugen vnd ingedenck sein.

Siehe lieber / was die armen vngleubigen Heiden/ so nichts von Gott vnd dem ewigen leben gewußt/in solchen fellen/fur eine/wolt schier sagen/Gottseligere ordnung gehalten / Pfü an vnserer schedliche nachlässigkeit/ Solten wir nicht tausend mal mehr ein solchen ernst in vnserer Christlichen gemeinschaft fürwenden? Darumb / so möchte vns Christen einer auch wol ist gen Aethen (da sie noch verhanden) senden (Wie Gott im Jeremia heist die Juden / in die Insulen Chitim vnd Kesdar ziehen/ vnd da sehen/ wie sie vber irem Gottesdienst steiff halten) das wir von den armen Heiden lerneten/ wie wir vns in bewohnung vnd mehrung/des Reichs vnser Erlösers Christi/ gebürlich verhalten sollen. Aber zur sache.

D iij Es

Gb vnd wie fern / Secten vnd

Es haben die alten Christlichen Pree-
der ersten Kirchen / ober die massen fein gesagt / als die
es aus **G D Z E S** Wort vnd allgemeiner erfas-
rung / zu allen zeiten erlernet / das dis leben eines Chris-
sten Menschen / ein stetter kampf sey / so lang wir hie
dieser vnser haut eingeschlossen sind. Welches auch
der heilige Job bekennet / da er spricht / Muß nicht der
Mensch immer im streit sein auff Erden etc. Aber mit
wem streit er / wo nicht mit seinem alten Adam / wo
nicht mit dem Teufel / wo nicht mit den Secten / Tro-
thumen vnd allerley Schwermerceien der Gottlosen?
Ja auch mit eigener weisheit / Sünden vnd **G D Z
E S** zorn? Vnd wie sol vnd mag der auch mit dem
Teufel / Gottes zorn / vnd sich selbs streitten / der nicht
solle oder möchte wider die Secten vnd Corrupteln /
recht vnd macht haben zu kempffen?

Ja sprichstu / sie sind wider solche grosse kaum dem
Son **G D Z E S** vberwindliche macht / des Sa-
thans lang zu schwach vnd vngerüst. Wie vngerüst?
Haben sie dan nicht / vnd zwar auch eben zu dem end
vnd ziel / dauon wir zu reden haben / von Gott gegeben
Schwert des klaren Göttlichen Worts / den schildt des
Glaubens / ja die ganze Armatur / vnd endlich den hei-
ligen Geist / **G D Z E S** selbs gnedige hülffe vnd
beystand? Wie / hat nicht auch Christus vnser Heupt
vnd König / die Welt mit sampt irem Fürsten überwun-
den / vnd vnter seine füsse getretten?

Wir wissen / vnd sollens alhie nur wol in betrach-
tung fassen / wie das Reich **E H X I S T I** / in diesem
leben / nicht etliche tausendmeil weges / von des Sathans
Regiment abgescheiden ist. Sondern / wie Christus
noch selbs mitten vnter seinen Feinden herschet / Also
auch

16

Ertzumen / zu richten vnd vrtellen.

auch alle seine glieder vnd Witerben / sind gleichsam vermischet vnter das Reich des Teufels / Ja in vnser eigen Haut stecket der Sathan / Weil dem also / wie ist dan wol möglich / das die / so der warheit anhangen / sonderlich in der vnablassenden regung vnd bewegung Sathans / des brüllenden Lewens vnd seiner Werkzeugen / köndten ganz vnangefochten bleiben / vnd sich derwegen gar nichts für ime vnd seinen schwermereien fursuchen vnd bewahren?

Ich schweige jetz / das doch eine ewige vnnachlesliche feindschafft / von Gott selbs bald im Paradeis noch / vnter vns Christen / vnd des Teufels samten / das ist allen Secten vnd Gottlosen / gesetzt / vnd sind der zeit durch wehrung vnd mehrung bestettigt / auch an der zeit noch nicht ist / das sie sol auffgehoben sein / wie dan die wort lauten / Ich wil feindschafft setzen zwischen dir vnd dem Weibe / vnd zwischen deinem samten vnd irem samten / derselb sol dir den kopff zertretten / vnd du wirst ihn in die verschen stechen. Da stehet des Allmechtigen Gottes des Jehoue selbs statut vnd sagung / wil nu jemand die infringiren vnd zunicht machen / der sehe zu / das ime nicht auch der kopff zurtretten werde.

Wie aber? Sind wir nicht allzumal eines leibes glieder? Oder ist nu der leib Christi zerteilet? Ist er aber noch ganz / wie er sein solle / vnd auch an im selbst ist / wie ist / wie ist denn wol möglich / das / wenn ein glied / es sey welches wolle / angefochten vnd beschedigt wird / es die andern allzumal nicht fühlen / auch nicht mit demselbigen ein mitleiden haben / noch ihme beystand sollen? Weil **G D E E** den leib seiner Christlichen Gemein / also vereinigt vnd geschaffen / das
die

Gb vnd wie fern/Secten vnd

die Glieder fur ein ander zugleich sorgen/vnd so ein glied leidet/ so leiden alle glieder mit/vnd so ein glied wird chrolich gehalten/so freuen sich alle glieder mit. Höre/ ich wil dich eines fragen / Lieber/wenn die augen in gefahr stünden/das etwa einer denen mit steinen zu würffe/ die füsse aber schlieffen/vnd wolten nicht lauffen/damit das aug vnuerlest erhalten bliebe/ was würde da endlich folgen? Was geschehe/ sag ich/ bey solcher eintrectigkeit vnd Regiment? Nemlich was man erzelen pfleget/ wie fur zeiten die eussern glieder Menschlichen cörpers / einen bund vnd auffrhur/wider den alles verzerenden vns arbeitsamen Magen / mit frem selbs mitschaden/ angericht hetten etc. O der verfluchten thörheit dieser anmechtigen Leute / welche in irer thörlichen klugheit meinen vnd furgeben/sie suchen der Christlichen kirchen also gemeine ruhe vnd wolffart/ vnd sehen dagegen nicht/wie sie viel mehr eine vberauschedliche/ ja gewuliche zerrüttung vnd vneinigkeit / in der Geislichen gemeinschafft derselbigen stifften vnd anrichten.

Gleich aber / als die Secten vnd Corrupteln/ allein das heubt Christum/ oder etliche furnemliche glieder anfechteten / vnd nicht auch wider den ganzen leib der Christenheit stritten / Ja viel mehr weisen die erfahrung zu allen zeiten aus/das die Secten vnd der gleichen Teufel schwermereien darumb am meisten entz stehen / das sie den einfeltigen Christen mit ihrem gifft schedlich sein/vnd das sie mit dieses des Teufels Netz gelockt vnd gefangen / wider in das verdammliche Reich des Sathans gezogen werden. Die nu/ denen der Secten geschmeis am schedlichsten ist / beide am leibe vnd Seel/die/sage ich/sollen sie nicht die Secten verfluchen vnd meiden?

Irthumen / zu richten vnd vrteilen.

Ich wolt zwar / das mir jzt einer von diesen hochweisen Ketten vorkeme. Worumb? Ich wolt denselben in Lieffland senden. Was da? Er solt mir die armen geplagten Liefflender vberreden / das sie sich gar nichts bekümmern solten / ober dem erschrecklichen wüten vnd würgen der Moschobiter / der gemeine Mann solte das heim im Bett sicher schnarcken / oder seines Ackerbau es vnd hantierung warten. Aus was vrsachen? Darumb das sie ire feinde sind / vnd so grewlich mit jederman vmbgehen. Oder / da er lieber wolte / wolte ich ihn an die Vngerischen vnd Chroatischen Grenzen schicken / zu den armen Leuten / so teglich vom Türcken geplagt werden / er solle ihnen gleichfalls rathen / vnd sie vberreden / sich fur der grausamen tyranny des Türckens nichts furzusehen. Ich meine sie würden solchem Legaten hazardempalza geben. Sihe mir aber da Menschliche klugheit / In solchen leiblichen vergenglichen sachen / können wir die vngerechtigkeit vnd vnwürdigkeit derer ding fein vrteilen / Aber in Geistlichen können wir solchs nicht warnemen / geschweige dan behersigen.

Was sol ich auch hie von sagen / das der Secten vnd Irthumen art vnd eigenschafft ist / wie des saurteigs / oder auch des giffts selbs / vnd zwar / wie das giff den leiblichen tod bringet / also bringen die Kekerien den Geistlichen Seelen todt. Solte es aber nicht also sein / das was einem iglichen schedlich vnd tödlich ist / ein iglicher auch / so er anders bey sinnen / fliehen vnd meiden solle. Wenn auch irgend die Pestilenz in eine Gegend meine einreisset / behüt Gott / wie ist da ein gelauff vnd zittern / wie eine fürsichtigkeit / wie mus man da so viel erkneien vnd preseruatiuen haben vñ gebrauchen. Aber
E wie

Ob vnd wie fern/ Secten vnd

wie viel tausendmal mehr solten wir solchs thun/viel in
brünstiger vnd mit grosser sorge / wenn diese Geistliche
feuche vnser Seelen / der alles verzerende Krebs / oder
Gangrena/wie ihñ Paulus nennet/der Secten vns an-
tastet.

Ich kan mich furwar nicht grungsam
wundern / ober der nichtigen klugheit dieser verfurer:
Gleich als sonst den Leuten von Natur selbs/sonderlich
in dieser grewlichen neigung/ nicht die ohren kúselten/
nach allerlei schwermerciem / dieselbigen mit begird
vnd lust auffzunemen. Oder sonst auch der warheit gros
achteten/vnd nicht vmb des hasses vnd verfolgung wil-
len/ den Sectarien heuchelten vnd schmeichelten. Kom-
men noch allererst die schönen treffenlichen Wechter/
vnd schreien / Hüte dich du einfeltige Herde Gottes/
Hüte dich / das du dich gar nicht bekümmerst / vmb die
Religionsspaltung vnd Corrupteln / Es sind nur einhei-
mische Privatgezenc / ja nur Grammaticalia bella.
So sie doch viel mehr ihre stimme in die höhe / wie eine
Posaune erheben/vnd vermanen solten / Exite, Exite,
Gehet aus/gehet aus/mein Volck / Hütet euch fur dem
saurteig der Secten vnd Corrupteln. Ja wo ihr nicht
von ganzem herzen euch von dem Antichrist abson-
dert/vnd in fur den grewel haltet/so könnet jr nicht selig
werden. Aber es wird von ihnen nicht gros geachtet/
ob die armen Christen vom Antichrist / oder von den
Secten/ als Adiaphoristen/Maioristen/Schwenckfel-
disten/ Synergisten/ Ssiandristen/ vnd Sacramentis-
ren etc. verfürt werden / so doch die allezumal einen vrs-
prung haben/ vnd zu einem ende lauffen / mit allen/ die
nicht Busse thun.

Wich

Irthumen / zu richten vnd vrteilen.

Wich düncket warlich / wenn man viel des schreien wird machen / so werde man gar bald vnter eine newe Antichristische dienstbarkeit gerathen / das die Leien nicht werden dürffen die Irthumen vnd Ketzereien vrteilen / oder sich damit nur bekümmern / eben wie sie im Papstthumb nicht haben gedurfft die heilige schrift lesen. Zwar der arme Mammeluck Staphylus lest dis geschrey ist in die gemein aller Christen vnd Vnchristen erschallen / vnd streittet / das die einfeltigen Leien nicht sollen die Bibel lesen. Diese aber schreien darnesben / das sich dieselbigen vmb die Religionstreit nicht sollen annemen / welches nahe bey einander ist / aus einem vrsprung / vnd fast zu einem ende geht.

Wolt aber der liebe Gott / das wir Christen in solchem fall zum Wort Gottes giengen / vnd nicht allein den lauff der Christlichen Religion vnd kirchen ansehen / sondern auch in der schrift vleissig forschen / worümb doch Secten vnd Religionspaltungen allezeit erstanden / vnd noch in der Gemein der Christen erstehen / obs on gefehr / vnd one verschung Gottes geschehe oder nicht. Denn da würden wir befinden klar vnd ausdrücklichen / das in der Gemein / so die ware Religion hat vñ bekennet / Ketzereien / Religionstreit vnd ergernissen sein müssen / Nicht / das **G D Z** an lügen vnd schwermereien gefallen trage / oder ihm wol umbs herz sey / das so viel Menschen darüber zum Teufel in die ewige verdammis fahren müssen. Sondern / weil / wie zuuor gemeld / das Reich **CHRI** / vnd des Sathans / so wunderlich in einander vermengeset / vnd einen ewigen streit führen. Furnemlich aber zeigt Sanct Paulus die vrsachen an / Auff das /

E ij

spricht

Gb vnd wie fern/ Secten vnd

spricht er/ die Aufferwehlten kund vnd offenbar werden/ das ist/ auff das Gott vnd alle Menschen wissen/ welche die rechte Christen sein / vnd auch dagegen vieler heuchler / falschen Brüder vnd Verrether gedanken an tag kommen. Ist nu das war/ das solche siechtung der Secten / aus der ursachen auch geschehen mus / vnd von Gott ist versehen worden / Lieber so sage mir an / ob der auch ein aufferwelt gglied der Christlichen Kirchen sein kan/ der mutwilliglich vnd wissendlich vnter die sprewen der Sectarien sich schleuffet/ vnd nicht vnterm Weizen der Aufferwelten gefunden wird? Ja ist mir der nicht ein reissender Wolff selbst / der noch den Aufferwelten rathet/ sich für den schwermereien nichts fürzusehen vñ zu hüten? Dieses wollen trewherkige Christen mit vleis betrachten/ vnd derhalben bey leibe nicht diesen Verführern folgen / sondern sie viel mehr fliehen vnd verfluchen.

Sehe mir auch einer zu / wie diese losen Epicurer so viel hochlöbliche Marterer Christi verdammen / die nicht allein für zeiten / sondern auch bey vnserm leben des Teufels Kekerien vnd Irthumen verdampft / vnd darüber ihr blut vergossen haben. Hettten sie als arme einfeltige Leien / nach dieser Leute vrteil / nicht nöthiglichen in dem fall gedurfft die Irthumen verdammen/ vnd gleichwol bey der warheit bleibend selig werden / sie hettens wol gelassen / vnd solche marter vergebens nicht gelidten. Wunder aber ist / das vnter diesen etliche gleichwol zulassen / den einfeltigen/ die Papiistische Irthumen zu anathematiziren/ weil (meinen sie) dieselben etwas grob / offenbar vnd deshalb leicht zu vrtheilen. So doch nicht allein der meiste teil ist schwebender Corrupteln vnd Secten/ als des Schwencckfelds/ der Distan
driffen/

19

Irthumben / zu richten vnd vrtellen.

dristen / Maioristen / Adiaphoristen vnd Synergisten/ ein grundgrewel des Papststhumbs sind / vnd so leicht/ wo nicht leichtlicher können / auch von den einfeltigen Christen geurtheilet werden.

Über der jamer kömpt auch daher / das die Leute nicht verstehen noch bedencken / die ehre vnd würdigkeit eines jglichen Christen Menschen / Denn wir sind ja alle mit dem Blut Ihesu Christi / vnd durch den heiligen Geist zubereitet / geheiliget vnd geweiht/ auff das wir sind das auserwehlete Geschlecht/ das Königliche Priesterthumb / das Volk des Eigenthumbs/ das da verkündigen sol die wunderthaten des/ der es daro zu beruffen. Es saget der heilige Apostel/ das die Christen die welt/ ja auch die Engel richten werden/ Wie solte dan nu ein so herrlicher Bürger des Reichs Christi/ nicht des Sathans vnflut vnd dreck der Secten verfluchen vnd verbannen/sonderlich weil Gott nicht nur den Lehrern / sondern auch andern Christen darümb seinen heiligen Geist sendet / das durch ihren mund die Welt umb der sünde / Gerechtigkeit / vnd Gerichts willen gestrafft vnd vberwunden werde / wie auch oben hievon meldung geschehen.

Wir haben bisher etliche / wie ich verhoffe/ grosswichtige vnd beständige Argumente oder vrsachen angehört/ die wir auch stracks zuwider den obgemelten Epicurischen meinungen / etlicher Clamanten gelehnet vnd gerichtet. Nu kömpt allererst vnd endlichen / als ein newer Kriegshauffen / oder hinderhalt/ Nemlich Gottes selbst vnüberwindliche zeugnis vnd worte/welches dan diese gute Freunde nicht allein bewesgen/sondern auch ein grausen machen / vnd sie in furcht

Gb vnd wie fern/ Secten vnd

vnd schrecken jagen vnd treiben solte. Wollen aber gleichwol nicht alle noch zu viel zeugnissen ist alhie einbringen/sondern mit etlichen furnemypffen vns benügen lassen.

Das nu Christus vnser Liebster Herr vnd Heiland / in seinem Predigamt / offtermals seine eigene Jünger vnd andere Zuhörer hat pflegen zuermannen/sich mit allem vleis vnd forge/fur allerleien sonderlich aber den gegenwertigen Irthumen vnd schwermereien furzusehen/vnd dieselbige wie das tödliche gift zu vermeiden/ist aus den Euangelisten klar. Welches er dan auch selbs mit seinem eigenem Exempel vnd leben reichlich bewisen / Also das er einen guten teil seines lauffs im Mittelamt / mit den Ketzern / als Pharisaeern / Saduceern vnd derer Patronen / allen/sonderlich den Lehrern zum beyspiel/zugebracht hat. Denn Matth. am 7. Capitel / vermanet er herglichen/ sonderlich einfeltigen Christen / zu allen zeiten / das sie sich auff's aller vleissigste fursuchen fur den falschen Propheten vnd Lehrern/vnd gebeut sie zu meiden / wie die reissenden wolffe/ nicht des leibs/ sondern der Seeln. Schreibt ihnen auch Regel für / wie sie doch am leichtesten solchs thun können.

Also auch weiter befilhet er seinen Jüngern / sie wolten sich ja hüten fur dem saurteig vnd Irthumen der Pharisaeer vnd Saduceer. Was er aber hie seinen Jüngern gebeut / das wird er one zweiffel/ auch andern seinen zuhörern gleichfalls / vnd zum offtermal / angesagt vnd befolhen halben. Es ist aber nicht vergebens/ das in der schrift hin vnd wider die Ketzereien vnd Corrupteln/dem saurteig verglicheet werden. Denn wie ein
wenig

Irthumen / zu richten vnd vrteilen.

wenig saurteigs eine ganze Massam des teigs verfeuert / Also auch ein wiewol gering Irthumb / kan einen Christen von Gott geboren / vnd in der Gottseligkeit wol erbawet / umbbringen / vnd zum Teufels Kind machen / oder / wie die Aposteln von solchem schaden der Irthumen reden / die Seelen vnd den neuen Menschen also zerrütten / umbwerffen vnd umbkeren / das nichts ganz vnd tüglichs da bleibe.

Hierher gehört auch das Mandat des Herrn / Sit tibi velut Ethnicus, halt in fur einen Heiden / So aber einen armen schlechten Sünder / wie viel tausendmal mehr einen verführer / on den auff Erden / nichts gewaltichers / erschrecklichers vnd schedlichers kan nur erdacht werden. Es wollen auch Christliche herzen / diese wort Christi alhie selbst in ein bedencken nemen / als da der Herr spricht / Wer mich bekennet fur den menschen / den wil ich bekennen fur meinem Himlischen Vater. Wer mich aber verleugnet / den wil ich widerumb verleugnen fur meinem Himlischen Vater. Wer nicht mit mir ist / der ist wider mich. Item / meine Scheslein hören meine stimme / vnd folgen einem frembden nicht / denn sie kennen seine stimme nicht etc.

Alber damit wirs ja klar fur augen haben vnd wissen / was es doch fur eine gelegenheit mit dem Reich Christi / vnd allen Christen habe. So laß vns einmal vnsern Herrn Christum den handel klar vnd gar an tag geben. Ihr solt nicht wehnen / spricht der Herr / Matthei am 10. das ich kommen sey friede zu senden / sondern das schwerd / Denn ich bin kommen / den Menschen zuerregen / wider seinen Vater / vnd die Tochter wider ihre Mutter / vnd die Schmir wider ihre Schwiger.

Vnd

Ob vnd wie fern/ Secten vnd

Vnd des Menschen feinde werden seine eigene Hausgenossen sein. Wer Vater vnd Mutter liebet mehr dan mich/der ist mein nicht werd. Vnd wer nicht sein Creutz auff sich nimpt / vnd folgt mir nach / der ist mein nicht werd etc. Hie hastu dir vnd klar alles / vnd darffest aber nicht gedencken / das vielleicht Christus nu dieser letzten zeit / da der Sathan viel hefftiger die Kirchen vnd Religion Gottes ansichet / sey anders sinnes worden. So wir auch dem mit tieffern gedancken nachforschen wol len / müssen wir bekennen / das diese des Reichs Christi in dieser Welt abconterfeigung mit vleis zuwider derer ist / so jnen unsere Epicurer tremmen lassen / da nemlich kein streit der Christen / mit den Vnchristen vnd Heuchlern ist. Ja thåret nicht Christus alhie dieser Elaman ten vnchristlich vrtailen? Ich mein er trifftts,

Wie aber / möchtestu sagen / sollen dan die Christen mit dem schwerd vnd ferner daran? Nicht also. Der H E X X redet eigentlich von einem Geistlichen schwerd vnd ferner / des Worts vnd Bekentnis / damit die Christen wider den Sathan / seine Secten vnd ganzen anhang streitten / Vnd dieses schwerd sendet er auch eigentlich / denn er wil / das seine geschworne Christen im ewigen streit stehen / mit des Sathans Reich vnd seinen schwermereien / wie zuuor gehört ist. Das aber der Teufel / vnd seine Kriegsleute / zum eusserlichen leiblichen schwerd vnd ferner endlich lauffen / wenn sie in dem Geistlichen kampff überwunden / vnd die schlacht verlorren haben / da hat Christus seine rechtmessige entschuldigung / vnd Sathan ist der lügen vnd mords eine ware eigentliche vrsach. Es mus aber Christus mit den seinen dessen wort vnd Namen haben / bey den Gottlosen vnd vnuer?

24

Irrthumen / zu richten vnd vtheilen.

vnuerstendigen / weil er den Sathan vnd die seinen vber geweltiget hat in dem / wie gesagt / Geistlichen kampf. Wie Christus zu den Juden sagt / Darumb wolt jr mich einen solchen Menschen tödten / der ich euch die warheit gesagt habe.

Rast vns aber weiter Paulum das auß erwelt rüstzeug Christi hören / ob er auch seinen zuhörern vnd Gemeinen gerathen / sich gar nichts vmb die Religionstreit zubekümmern. Hat er auch geschrien / die Irrthumen vnd Corrupteln gehen allein die Gelerten an? Ja viel mehr hat er ernstlich gebotten / in seinen schriften allenthalben / ein rechtschaffener Christ solle mit den Verführern nur nicht essen / oder nirgend freundslicher meinung mit ihnen vmbgehen / sondern sie nach einer oder zweien vermanung meiden.

Zun Römern am letzten Capittel schreibet er also / Ich bitte euch lieben Brüder / habet doch achtung auff die jenigen / so spaltung wider die reine Lere anrichten / vnd mit süßen vnd prechtigen worten der einfeltigen hertzen verführen / vnd sondert euch abe von ihnen. Sondert euch / spricht Paulus / nicht / wie vnserer Sewtheologen / fraget nichts darnach / Vnd wolte der liebe Gott / das wir allenthalben in Deutschland diesen Spruch Pauli / vns zu eigen machten / vnd deme trewlich vnd Christlich folgeten. Denn ist irgendet ein Spruch in der ganzen heiligen Schrifft / der die Patronos Synergie abmalet / so ist dieser / Denn sie leider durch süße vnd prechtige wort der einfeltigen / ja auch der Hochgelarten herren verführen vnd betriegen. Gott erhalte die seinen / Amen.

S. H. v. v. v. Weiter /

Ob vnd wie fern/Seecten vnd

Weiter / zun Galatern am ersten / spricht Paulus mit cristen Worten / So auch wir oder ein Engel vom Himmel euch ein anders Euangeltum predigē würde / der sey Anathema / verband vnd verflucht / Anathema spricht er? Ach Gott das wir recht bedencken köndten / was das sey / sein Anathema / Nemlich von der Christlichen Kirchen abgesondert / von allen Christen verbannet / ja auch aus dem ganzen Reich Christi ausgeschlossen / vnd dem leidigen Teufel vnd ewiger qual zugesprochen vnd verurteilt werden / Das bedenck nur einer / vnd gehe darnach zu einem erklereten verführer / vnd mache mit jme gemeinschaft / vnd folge nicht diesem des heiligen Geists befehl.

In der ersten zun Corinthern am vierzehenden / gebet er klar / das die ganze Gemeine vrteilen solle / was auch die vnuerdachten reinen Lerer predigen / geschweig dan ein lose anechtiger verführer. Endlichen ist halte ich jederman bekand / seine ernste vermanung die er thut / in der andern zun Corinthern am sechsten / da er also predigt / Ziehet nicht am frembden Joch mit den vngleubigen / denn was hat die Gerechtigkeit fur gewinnes mit der vngerechtigkeit? Was hat das liecht fur gemeinschaft mit dem finsternis? Wie stimmeth Christus vnd Belial? Oder was fur ein teil hat der gleubige mit dem vngleubigen? Was hat der Tempel Gottes fur ein gleiche mit dem Göhen? Ihr aber seid der Tempel des lebendigen Gottes / wie dan Gott spricht / Ich wil in ihnen wohnen / vnd in ihnen wandeln / vnd wil jr Gott sein / vnd sie sollen mein Volck sein. Darumb gehet aus von ihnen / vnd sondert euch abe / spricht der Herr / vnd rüret kein vnreines an / so wil ich euch annemen / vnd ewer
Vater

11

Irthumen / zu richten vnd vnterleiten.

Vater sein / vnd jr solt meine Söne vnd Töchter sein / spricht der allmechtige Herr.

Was? Sagt doch der Euangelist Joannes ausdrücklichen / vnd gebeut allen Christen / das sie nicht einem iglichen Geist glauben / sondern sollen die Geister prüffen / ob sie aus Gott sind. Ja so ein ernst ist ihm / das er sagt / So jemand zu euch kömpt / vnd bringet diese Lere nicht / den nemet nicht zu hause / vnd grüßet ihn auch nicht / denn wer in grüßet / der machet sich teilhafftig seiner bösen wercke. Vnd diese seine vermanung vnd lere / hat er auch selbs trewlich gehalten / den Keger Eherinthum / Ebionem / vnd dergleichen vleissig gemidten.

Daher sein Jünger Polycarpus / als ein mal der Keger Marcion in am wege grüßet / denselben nicht wider grüßete. Fragete derhalben Marcion / ob er in nicht seinen alten freund erkennete? Antwort Polycarpus / Agnosco te primogenitum Satanae, Ich erkenne dich / das du ein erstgeborner des Sathans bist. Ireneus lib. 3. cap. 3.

Aber / wie auch zuuor gemeld / wir wollen ist ferner vnd mehr zeugnissen nicht beybringen / sondern es lassen bey diesen angezogenen also beruhen. Aus dem alten Testament / sonderlich aus den Propheten vnd irer Histori / köndten wir ein ansehenliche zal einführen / Aber ein iglicher dencke im selbs nach. Ich wil auch nicht / welches ich doch an gelegenem ort / vñ mit grosser furcht thun möchte / die Exempel der alten Kirchen anziehen / viel weniger der reinen bewerten Lerer / aller zeiten meinung vnd mitbezeugung hiezu schreiben / Disz sey ist genug / wir wollen zum ende.

Ob vnd wie fern / Secten vnd

Einẽ aber hette ich schier in vergessen
gestalt / Ich frage alle die so Christen sein wollen / vnd
sich des Euangelions rñmen / Obs nicht eine vnaus-
sprechliche wolthat Gottes sey/ das wir ist in den letzten
zeiten/on vnsern/ ja wider vnsern danck/ vorwissen vnd
verdienst/ allein aus grundloser barmherzigkeit des him-
lischen Vaters/ aus dem grewlichen finsternis des An-
tichristischen Reichs erlöset / vnd in das herrliche Liecht
des Reichs Christi versetzt sind/ Ja das die Lere vnd gan-
ze Religion dermassen erleuchtet / vnd in aller Welt er-
schollen/ das von anfang der Welt dergleichen nicht ge-
schehen? Dieses erkennen ja alle fromme Christen/ vnd
mus auch solchs der Gottlosen munde bekennen. Wie
aber? Wem hat Gott dieses alles zu gut gethan? Vns
alhie allein? Nein/sondern allen Menschen. Wem hat
er aber insonderheit die Religion / als die aller werdeste
Beylag / vnd vnser recht Patrimonium/ vertrauet vnd
befohlen? Ist nicht denen/die sie fur andern/durch Got-
tes gnad/angenommen/bekand vnd bisher verteidigt ha-
ben? Ja euch Deutschen hat Gott fur andern Völkern
diese gnade erzeiget. Weil nu dem also ist / wie gerecht
man dan in die schendliche wahnsinnigkeit/ das ihr viel/
nicht allein fur sich die trewe Beylag des heiligen Euan-
gelions nicht in hut haben/ sondern noch andere zu glei-
cher vndanckbarkeit vnd nachlässigkeit bereden wollen.
D wehe denen die ihnen folgen.

Noch eins frage ich / Worumb felle jetz
die Religion so mit vollem hauffen/ fast an allen enden?
Das die lere oder das Euangelium so finster ist? D nein
es scheineth heller/denn die liebe Sonne. Das man keine
Prediger hat? Nein. Das man keine Christliche Ober-
keit

Irrthumben / zu richten vnd vrteilen.

23

heit hat? Auch nicht. Das so grosse verfolgung ist/ Oder man keinen zeitlichen fried hat? Viel weniger. Worumb dan? Darumb/ das der meiste teil/nicht allein keinen lust zur warheit hat/ sondern noch vber das / mit begird allerleien zuuor tausendmal verfluchten Irrthumben beyfellt/vnd die Gelerten vnd Gewaltigen/beide mit Exempel vnd lere andere darzu reizen. Aber Dein gerechtes vrteil Gottes kömpt darzu/ der vns weidlich allerley kreffttige schwermereien zuschickt / vnd das endlich so grewliche verwirrung vnd vermischung der warheit vnd lügen geschehen / vnd wir zu lezt einen Samaritischen/ aus allen Secten geschmidten klumpen werden haben müssen/ weil wir die liebe zur warheit nicht gehabt/auch den Secten nicht haben eintrechtiglich widerstehen wollen.

So haben wir nu bisz anher gnungsam/wie ich nicht zweiffel/gehört/ vom ersten stücke der oben fürgelegten frag/vnd ist nu gewis vnd bewisen/ das von Rechts wegen alle Christen schuldig sind/ vnd mögen allerley öffentliche Irrthumben vnd Secten erkennen / vrteilen/richten/ verbannen vnd anathematiziren. Denn ich bins gewis/ das die gründe vnd vrsachen bisher nach einander klar gesetzt/ so klar/ öffentlich/ vnd darumb vnbeweglich sind/ das ich/ als mir Gott helffe/ ist nicht sehe / was doch möchte oder auch köndte warhafftig hiezuviderauffgebracht vnd gesetzt werden / viel weniger bestehen. Darumb/an stat etlicher losen geringen furwürffsen widerlegung / möchte ich wol alhie mit den Christen beweinen / die grosse boshafftige blindheit vnserer Widersacher / vnd auch daneben beklagen die scheden/ so gleichwol die Christenheit von diesen erleiden mus.

Gh vnd wie fern/ Secten vnd

Ach du elende Kirche/ wie mustu so al-
lezeit von deinen eigen doch vermeinten Dienern gepla-
get werden/ Es ist aber auch dein jammer vnd not desto
grösser/das man solch vbel nicht sehen/viel weniger dem
in der zeit zuuor kommen wil. Nu es treget allwegen eine
plage die andere am rücken/Aber O der gewlichen vnd
danckbarkeit dieser Epicurer/ beide gegen Gott/ vnd vns-
sere liebe Mutter die Kirchen/ die mit ihrem Epicuris-
chem maul/ Gottes vnnandelbares Wort vnd Gesez
auffzubinden/vnd die einigkeit der ganzen Christenheit/
zu dieser sonst semmerlichen zeit/trennen. Das/das sind
mir nemlich die starcken posaun vnd alerman geschrey/
zu dem gewlichen vnd erschrecklichem Epicurischen
wesen/so kurz fur der letzten zukunfft in vollem schwang
allenthalben gehen sol/wie dan solchs auch der Herr selb
best geweißaget vnd verkündiget hat/Den laß vns ihu
trewlich bitten/ das er ja nur schier komme/ vnd vns er-
löse/ damit wir nicht auch mit der Gottlosen vnd argen
Welt verfürd vnd verdampt werden. Lieber das du so
fün magst sein/wider so helle warheit zu streitten? Fürch-
stu dan nicht Gottes des Allmechtigen gerichtts? Ach
das du bedencken köndtest/ was fur ein grausam erger-
nis du anrichtest/das du auch zugleich mit erkennen vnd
empfinden möchtest/ wie in vielen trewherzigen Chris-
ten du den heiligen Geist betrübest/wil geschweigen/
das du den leidigen Teufel/ seine Heuptleut die Kesser/
in ihrer wütterey bekrefftigest/ Ja/so zu reden/allen Hel-
lischen Wolffen thür vnd fenster auffsperrrest/ nur nach
ihrem wunsch in den Schaffstall Christi zu plazen/
vnd darin ihres gefallens zu rhumoren. Allmechtiger
Gott/ der wahnsinnigen verführer/wer treibet sie doch
zu solchem vbel? Was haben sie doch fur freude darzu?
Was

Irthumen / zu richten vnd vrtellen.

Was fur lust / nuz oder gewinst / bey solchem vnchristlichem geschrey?

Alber das klagen gelassen / so wollen wir fort / vnd zum andern stücklin / der oben furgelegten frage vnd proposition / mit Gottes hülff schreiten / vnd sagen / Ob vnd wie fern de facto / Der thät nach / ein iglicher vernünfftiger Christ / in diesem leben / die Secten vnd Religion streit richten solle vnd möge. Bey diesem andern stück wollen wir vns nicht lange seumen / sondern kurt vnd richtig hindurch gehen / damit die verdriesliche weitleuffleufftigkeit dem gütigen Leser nicht vngedult bringe / Sonderlich aber / weil auch dieser teil seine krafft vnd macht oder verstand / zu gutem teil von dem ersten / welchen wir weitleufftig gnug gehandelt / empfahet. Denn das wil ich den Leser erinnert haben / das wir die gründe vnd vrsachen in dem ersten stück / also auch in gemein gehandelt vnd ausgebreitet haben / das sie / gebürlicher massen / auch zu diesem andern teil können gebraucht werden / vnd ire krafft dahin erstrecken.

Worümb ich aber sonst auch von diesem stück alhier mus reden / manet mich nicht allein der obgemelten frag nötigkeit / sondern auch anderer sachen bedencken / vnd nutzbarkeit / vnd endlichen / damit ich mit einer arbeit zugleich vielen entgegen würffen zuuorkommen / vnd sonst auch viel irriger gedanken abschneiden möge. Ich halte nicht / das jemand vntern verstendigen Christen ist / der nicht wüste vnd sehe / wie so gar ein grosse vngleichheit vnd einfeltige schwachheit ist / vieler Christen / ja
des

Gb vnd wie fern/Seecten vnd.

des grossen hauffens in der streittenden Kirchen hie auff Erden. Vnd dagegen / wie gewaltig vnd auch krefftig der Sathan in den seinen Seecten sey. Darumb so kans in solchem stand der Kirchen nicht geschehen / das die Christen allezugleich/so wol die Pawrn als die Lerer/ so wol Kinder als Menner / one allen vnterscheid solten vnd möchten die Irthumen vnd Religionstreite richten. Vber das / so wissen wir auch/das die Kirche in diesem zeitlichen leben/vieler vrsach halben/ mus gleichwol zier vnd ordnung halten. Darumb gibt auch Gott darzu den Menschen mancherley gaben / Ist derhalben auch ein sonderlich Geistlich Regiment das Predigampft/ nicht one seine sonderliche form vnd Gesetz gestiffet. Wil geschweigen des alten Adams bosheit / vnd der Heuchler vngestümigkeit / welcher halben schier allein einer solcher ordnung vnd Regiments von nöten thut. Derhalben / wie gesagt / so ist vnser meinung nicht als hie/ das wir entweder wolten/oder auch andern dasselbige riethen/das es on alle vnterscheid/ als in einer Democrationen zugienge / vnd so wol die Weiber als die Menner / so wol Pawrn als Weltherrn / so wol Schneider vnd Schuster / als Kirchendiener solten Synodos anstellen / vnd mit den Lehern / mit munde oder feder disputieren / On ausgenommen die eufferste not / welche wir damit gleichwol nicht wollen ausgeschloffen haben/ sonderlich weil man dabey vberaus viel Exempel/ vnd auch zeugnis hat.

Wie? möcht ein einfeltiger sagen / gild denn nu nichts mehr/was du zumor im ersten teil/so kün vnd nach der leng assertiert vnd bezeuget hast? Ist das war / so bestehet noch / das nicht alle Christen/ sondern etliche/nur die macht vnd krafft haben/Religionstreitte/Kotten vnd
Seecten

Irthumen / zu richten vnd vtheilen.

Secten zu richten vnd zu verdammen / vnd sich deshalb
 ben die einfeltigen damit nichts zubekümmern haben?
 Höre lieber freund / wir sind noch bey vns selbs / vnd wif
 sen / wie vnd was wir reden. Ich streite nicht wider mich
 selbst / weil ich alhie nur dauon rede / was ein iglicher ver
 nünfftiger Christ / de facto / vnd nicht was von schuld
 gen pflicht wegen / ein iglicher in diesem stand der Kir
 chen thun solle vnd möge. Denn es ist / wie alle verstens
 dige wissen / ein grosser vnterscheid / was einer von rechts
 wegen thun / vnd dagegen was er mit der that selbs / vmb
 etlicher vmbstende willen / thun möge. So ist noch vbes
 rig zu sagen von diesem stück / was ein iglicher Christ in
 Religionspaltungen vnd verdammung der Irthumen /
 mit der that zu thun schuldig / welches wir nachmals /
 wie gesagt / kürzlich wollen verlauffen. Der Leser wird
 aber darauff vleißig achtung geben / vnd alles recht vnd
 Christlich auffnehmen vnd betrachten / Es were wol not
 vnd nüs / das man von diesem teil sonderlich nach der
 lenge hette handeln mögen / vnd so viel möglich / alle vmb
 stende begreifen / Aber was vns gehindert / ist verstand
 gen leicht zuerrathen / Vielleicht / wenn Gott mehr ver
 stands vnd zeit verleihen wird / werden wir von dem
 gründlicher vnd weitleufftiger reden / da man auch wird
 besser anzeigen können weise vnd form / wie man Ir
 thumen erkennen / vtheilen / vnd Anathematiziren
 solle.

Es sind (das wir zur sache kommen)
 fünf Grad der Christen / oder wie ichs nennen sol / Glic
 der der Christlichen Kirchen / wie die ist in dem zeitli
 chen leben ist vnd bestehet. Nach diesen Graden vnd ab
 teilung der Christen / wollen wir nu sehen / was einem ig
 lichen

G

Ob vnd wie fekt / Secten vnd

lichen Christen Menschen / seine Person / gaben vnd stand nach anzusehen / auch nothalben / in diesen sachen / Nemlich in vrteilung der Kotten vnd Secten / gebüref vnd aller ding / von wegen der ehre Gottes / vnd der Christenheit wolart zu thun sey.

Im ersten Grade seyn alle die einfeltigen / vnd wie sie Paulus nennet / schwachen Christen / wie alle die sind / so kaum die ersten Elementa oder Alphabet des Catechismi gelernet / von vnmündigen Kindern / so noch der sprach vnd verstands nicht gebrauchen. Item / von Thoren vnd sinlosen / ist alhie nicht not viel zu sagen / weil wir von verstendigen vnd vernünftigen Christen reden. Wiewol ich zwar nicht zweiffele / denn das Gott / weil der auff sondere art in jaen durch den H. Geist vnd Sacramente krefftig ist / sie wunderbarer vnd vnaussprechlicher weise / durch seine krafft vñ Geist so rege vnd bewege / damit sie nicht allein ob der warheit gefallen haben / sondern auch fur den Teufelischen Secten vnd Schwermereien / sich gleich als fur den Gespensten schewen / Welcklugen halte ich / werden des mit den Gottlosen in die faust lachen / Aber Christen / die mehr auff Gott vnd seine macht / denn auff ihr wis vnd verstand sehen / solten ober dem nicht viel zweiffeln / sonderlich weil erfarnе Exempel verhanden.

Die nu im ersten Grade gesetzt / sind nicht ganz vnd gar / ihrer schwachheit vnd vnuermögen halben / mit der that genötigt vnd dazu gezwungen / Nemlich die Religionstreitte zu vrteilen / damit sie nicht / wie Paulus verbeut / in verwirrung der Gewissen gerathen / Sondern die sollen vnd mögen der einfeltigen Lere / ihrer einfalt nach / sich halten / vnd in derselbigen warhafftig vnd ge-

Irthumben / zu richten vnd vberlehen.

26

wis also bleiben / doch das sie auch darinnen zunemen / nicht stets Nicodemi / oder Kinder bleiben / sondern fürbas in die andere grad kömmen mögen / Mit embsiger bitt / das sie Gott nicht in versuchung führen / sondern bey warer erkentnis erhalten wolle / welches auch der trewe Gott / wie daran gar nicht zu zweiffeln / thut / vnd sie also in seiner hand vnd Väterlicher versorgung hat / damit sie sich dem Sectischen hauffen vberal nicht anhengig machen / sondern in dem hauffen der auserwelten wunderbarlich bleiben vnd bestehen. Des kan man viel exempel sehē / da oft eine arme einfeltige Magd oder Knecht / oder auch Knabe in eines Ketters haufs ist / vnd doch gleichwol von seinem gifft vnuerlest bleibt / ja das es auch seinen Irthumb mercket / vnd darob keinen gefallen tregt.

Denn sie müssen sich doch zuletzt / zu voraus / wenn verenderungen vnd verfolgung angehen / zu einem / es sey welchem es wolle / hauffen schlagen / (ich rede von ganken Kirchen) vnd es mit ime zuletzt halten.

Vber das so ist auch gleichwol von nöten / das man vber das Gebet sie stettiglich mane vnd ermane / das ob sie wol die Controuersien nicht recht zu vrteilen noch zu entscheiden wissen / sie gleichwol nach vermögen / ein ernstes abschewen darob tragen / vnd wo sie nur können fliehen vnd vermeiden allerley einigkeit / Gesellschafft vnd Gemeinschaft der Ketzer vnd verfürer / damit sie nicht durch die beywonung an irer Seelen verwund vnd vergifftet werden. Denn jr reden schleicht wie der Krebs vnd allein jr gegenwertigkeit oder auch schatten / schadet den Christen.

Ob vnd wie fern/ Secten vnd

Vnd darffs ihm einer nur nicht tremmen lassen/
wider die öffentliche erfahrung zu allen zeiten/ das dies
se nicht könten oder möchten/mit Irthumen verschmizt
vnd verfürt werden. Denn in der Kirchen Histori/erzeu-
len die Scribenten ein feines Historichen/von den kind-
dern einer Stad/ welche als sie nach gewonheit ein mal
das Ballspiel spieleten/ ist der Arianischer Kezer Lucius
auff einem Esel furüber geritten / da aber der Ball nur
einen des Esels fuß ongefehr angerüret / haben sie mit
grossem geschrey zugelauffen/den Ball/als were er ver-
unreiniget genomē/durchs feur geworffen/vnd also dan
wider gereiniget/vnd geweiht. Theodo. li. 4. ca. 15. So-
zom. lib. 6. ca. 15. So grosser hass war in der ersten kir-
chen wider die verfürer. Also auch sehen wir dagegen
Exempel an etlichen groben Leuten / Mennern / Weis-
bern vnd Kindern/ welche nur menlich vnd grobitetisch/
den beständigen reinen Lehrern vnd Kirchendienern könn-
en fluchen / vnd sie Flacianer vnd Judas verrether les-
stern. O wehe jnen vnd denen die sie leren/es were bes-
ser das ihnen ein Mühlstein an hals gehenckt / vnd sie in
der Elbe / Elster/ Saal oder andern Wassern ersoffen/
da es am tieffsten ist. Ja/möchstu sagen/was dan? Sie
werden darumb nicht verdampft. Lieber/weise mir brieff
vnd siegel dafür/Verfürt vnd verdampft sind in nebesten
consequenz/wo das liebe Bekeret nicht darzwischen köm-
met. Ja vnd wenn schon gewis were/ das sie nicht ver-
dampft würden / so ist doch Vnchristlich / das sie solten
also die warheit vnd Diener Ihesu Christi lestern vnd
schmehen. Aber wo der Geist Gottes ist/da ist nicht mög-
lich/das ein solcher mutwil sein könne. Ach wie viel fins-
det man hemische lose Verfürer / vnter den Schulmeis-
tern allenthalben jet in den Schulen/welche der armen
Jugend

Gethumben / zu richten vnd vrtellen.

Jugend ihr giffte einpflanzen / das ihnen darnach nicht leicht zu helfen?

Weiter im andern Grad setzen wir diejenigen / so ist zu den Catechismum volent gelernet / haben auch die gnade von Gott / das sie nicht allein die Schrift lesen / sondern bereit wissen können / was fur ein vnterscheid des Gesetzes vnd Euangelij sey / wie vnd worumb wir allein durch den Glauben in Christo Jesu gerecht vnd selig werden etc. Solcher sind viel in den Schulen / viel Bürger in Stedten / etliche auch Darn an Dörffern vnd andere vnzelige mehr / fast in allen ordnungen vnd stenden.

Diese sollen vnd müssen warlich die Secten / vnd öffentliche schwebende Corrupteln vnd Religionstreitte richten / was war vnd recht ist loben / annemen vnd folgen / Was vnrecht vnd falsch / so viel sie auch fur sich aus irem Catechismo / vnd verstand Göttlichen Worts vermögen / widerlegen / vnd auch wo vnd wie es not thut / verdammen.

Sie müssen vnd sollen auch die halstarrigen vnd erklereten Sectarien / Keker vnd Schwärmer mit volkommlichen Hass / das ist recht / von herzen vnd mit der that hassen / sie fliehen vnd meiden / ja sie auch nur nicht grüssen / vnd dagegen die reinen beständigen Bekenner vnd Diener Jesu Christi (als die auch darumb furnemlich mit gefahr leibs vnd lebens streitten / das sie vns / durch Gottes gnad / die algemeine Religion vnd warheit des heiligen Euangelij erhalten) Christlich ehren / lieben / vnd forwiren. Aber wie thut man im jetz? Die so man in ehren halten sol / die helt man fur vnflath vnd gestanck der welt / pro anathematis & catharmatis. Aber die reissenden Wolffe vnser Seelen / wil jederman küssen / vnd ihn schier zum hindern ein kriechen. G iij Wo

Ob vnd wie fern/ Secten vnd

Wo kömpt auch die schalckhafftige klugheit/etliche
so da die Secten also wollen vrteilen/die Irthumen von
den Personen weit vnterscheiden / den Irthumb nicht
billichen/aber doch den Personen als andern Lehrern an-
hängen? Die Sophisterey ist newlich erdacht. Aber ein
jglicher solt gewis wissen/das nicht mögliche sey / einem
irthumb oder Kekerer warhafftig feind sein/vnd gleiches
wol dem / der denselbigen halstarrig verteidigt / hold
sein / vnd ihn nicht mit sampt seinem Irthumb verflus-
chen/ wenn er gleich ein Engel vom Himmel were / ge-
schweige dan ein armer Kalmeuser / Bonifacius / Prae-
ceptor, oder weis nicht was.

Sonderlich aber gebüret diesen zweien Graden
der Christen das Gebet / welchs also zu reden die allers-
sterckeste Pastey oder festung ist/so da kan wider der Sec-
ten anlauff vnd der Corrupteln seuche geseht/vnd auch
durch dieselbigen ihnen abbruch vnd hindernis gethan
werden. Darümb auch der heilige Apostel Paulus in
seinen stetten kempffen/wider die Keker vnd falsche Brü-
der/so embfiglich vnd herziglich bittet/vnd bey seinen ge-
meinen anhaltet / sie wolten ime mit gebet zu Gott bey-
stand leisten / vnd mit kempffen helfen. Aber es kan
nicht hie mit worten gesagt werden / was das Gebet der
Pusillen / zu widerlegung vnd eintreibung der Notten
vnd Secten fur krafft bringe. Was ist heutigs tags die
meiste vrsach / das auch die Irthumen vnd Corrupteln/
so vberhand nemen / vnd man so schwerlich / oder mit
weniger frucht denselbigen mag widerstehen? Denn das
die Christen die streittende Diener GOTTES ver-
lassen / vnd ihnen nicht mit ihrem Gebet zu hülf kom-
men.

Das

28

Irthumen / zu richten vnd vrticken.

Das aber sie solches zu thun schuldig sind / vnd also den Secten sollen ein widerstand thun / ist offenbar / Erstlich aus dem ersten teil / vnd den in demselbigen so vielen vrsachen / welche auch alhie / wie oben gesagt / ihren ort vnd macht haben. Darnach das sie die gnade vnd krefften / von Gott darzu verliehen haben / nicht die in die Erde oder Neminsterey zu vergraben vnd zu verhalten / sondern reichlichen / beide zu Gottes ehre / vnd der Religion erhaltung / zugebrauchen. Zum dritten / das sie sonst verführt / oder zum wenigsten Epicurer werden. Zum vierden / das es nicht möglich ist / das einer in offentlichen erklerten Religionsstreitten / Neutralist sein könne. Solchs bezeuget allein die tegliche erfahrung / denn dieselbige / so die schöne kunst brauchen vnd versuchen / gemehlich von der warheit wenden / bis sie zuletzt durch die verfolgung / wider die bekennen der warheit / vnd aus liebe gegen die verführer / die rechte Gottseligkeit gar aus dem herken verlieren / vnd zu lezt in Irthume fallen. Endlich / so weisets die erfahrung aus / das Gott / wenn er eine ganze Gemein von wegen der Abgötterey strafet oder ausrottet / oder sonst derselben kreffttige Irthumen vnd lügen zuschickt / solcher nicht schone / sondern sie viel mehr mit andern zugleich in straff neme / als schuldige / Wie er dan klar solchs Deuter. 32. drawet / vnd mit der that allezeit bewiesen hat. Schuldig aber weren sie nicht / wo sie nicht hetten sollen / oder auch gar nicht mögen die öffentliche Abgötterey vnd Irthumen fliehen vnd meiden.

Lieber Gott / wie war doch in der ersten kirchen / eine herrliche einmütigkeit vnd brüderliche trenn vñ vleis / da man für einen Mann / wider die Secten gestanden vnd gestritten / auch eintrechtighen die warheit bekenn

Gb vnd wie fern/ Secten vnd

bekennet hat/ wie solchs vnter andern so viel Martyria bezeugen/ Lese man allein die Histori von der Arianischen Ketzereien vnd streitten. Es war auch ein gross schrecken der Tyrannen/ da die sahen/ wie die einfeltigen Christen vber ihrem Glauben so eintrechtig vnd fest hielten. Des wil ich ein sehr feines nütliches Exempel hiezu schreiben/ aus der Kirchen-Historien/ so man *Erispartitam* nennet/ aus dem 7. Buch/ 23. cap. Zu Edessa in Mesopotamia sind viel Christen gewesen/ die bey der warheit wider die Arianische Secten bestendig blieben/ dahin als ein mal der Arianische vnd Tyrannische Keyser Valens kam/ gab er dem Hauptman desselbigen orts ein backenstreich/ das er solche da gelidten. Darüber ergrimmet derselbige Hauptman/ vnd gieng mit seinen Kriegsknechten zu einem Tempel/ da die Christen versamlet waren/ sie darin alle vmbzubringen. In dem nu/ so sihet er ein armes Weiblin ein kleines Kind an der hand führen/ vnd eilend zu der Kirchen zulauffen/ fragte sie/ wo sie doch hin wollet vnd als er sie warnete/ vnd anzeigte/ wie man alle die ist wolle tödten/ antwort sie/ Ja darumb eile ich auch. Da sprach er/ sie solte doch das Kindlin da lassen. Nein/ sagte sie/ ich mus es mit mir führen/ damit es auch ein Marterer Gottes werde. Solches als der Hauptman dem Keyser lies ansagen/ hat dieses Weibes bestendigkeit beider Tyrannen iren willen vnd furnemen brochen/ das sie die Christen vnangestastet liessen.

Sihe solchen eiffer vnd liebe hatte man dazumal zur warheit wider die Ketzrischen lüge/ wie auch zur zeit des Antiochi die Maccabeer mit irer Mutter. Es schreibet auch Philo von den Essern eine fast dergleichen Histori. Nu aber haltet man ißiger zeit/ es sey ein köstlich

Irrthumen / zu richten vnd vrteilen.

lich ding / vnd damit gar ausgericht / wenn man nur viel
 Bücher list / vnd eine schlechte wissenschaft des Glaubens hat. Es ist nemlich war / wie vnser Iulricus der einige
 Kempffer wider die Secten offte saget / das wir ihis ger zeit die warheit des heiligen Euangelij / viel heller
 vnd reiner haben / denn die in der ersten Kirchen. Aber gleich wie wir sie in demselben vbertreffen / also thun sie
 es vns mit dem eiffer beweisung / vnd krafft des Glaubens weit beuor. Nu mus wol beides bey einander sein /
 Aber es ist viel besser / vnd Gott on zweiffel angenehmer / ein grosser eiffer bey einer geringern / doch reinen wissen
 schafft / denn eine grosse Engelsehe wissenschaft bey einem gar geringen eiffer.

Es möchte aber einer alhie ein solche
 Einrede fürbringen / vnd sagen / Ja die Arianische vnd
 andere Ketzereien waren grob vnd greifflich. Nu sind
 aber die ihigen Secten vnd Irrthumen / so weis vnd subtiel / das auch die Gelerten sich nicht wissen darein zu schi
 cken. Wer wil sich doch in die Caluinisterey / Maioristerey / vnd Synergistische subtilitet richten? Darumb so
 redestu nerrisch / in dem du haben wilt / das auch die ein
 feltigen Leien diese Secten vrteilen vnd verdammen
 sollen. Antwort. Es dünckt dich / vnd zwar andere
 mehr / die Arianische Ketzereien oder desgleichen schwer
 mereien sind so grob / das sie jederman schier greiffen / ge
 schweige denn vrteilen könne / weil sie ist nicht mehr im
 schwang gehen / wie für zeiten / sondern hingelegt sind
 vnd v erurtheilet / Weil sie auch der Teufel nicht treibet
 vnd krefftig macht / vnd wir endlich die Kecher selbst nicht
 hören. Aber das sie subtiel gnug / vnd so verwirret / wo
 nicht verwirter gewesen / als eine mag sein / zu vnsern ze
 iten /

Ob vnd wie fern/ Secten vnd

ten / weisen vns beide ire schrifften / die Histor. der Kir-
chen / vnd so grosse scheden / die sie so lange gethan haben.

Das aber auch die vrteilung der ist schweben vnd
Secten vnd Corrupteln / nicht schwer oder den einfelti-
gen vnmöglich / ist erstlich daraus klar / das sie allein aus
dem kleinen vnserm Catechismo (den die vnsern kirchen
fur heilig halten / vnd alle vernünfftige Christen wissen
sollen) können gerichtet vnd widerlegt werden / was den
Hauptpunct des Irthumbes belanget / wie solches wir als
hie nur leicht könten beweisen / wo es nicht zulang were.
Zum andern / so haben wir Lutheri seligen vrteil vnd
schrifften / fast wider alle isigen Secten / darin nicht
allein seine blosse meinung / sondern auch gewaltige aus
Gottes Wort genommene zeugnissen vnd Demonstras-
tiones sein. Nu wissen wir ja / was Lutherus gewesen.
Es hats auch der ausgang der sachen in der that bekrefft-
igt / was wir an ime gehabt / vnd was wir ime zutrawen
sollen. Ich geschweige / das sonst gewaltige krefftige
schrifften / von andern beständigen gelerten Leuten ge-
schrieben sind / so klar vnd liecht / das man wol beide die
liebe warheit vnd auch die lägen mit henden tasten köndte /
wo man anders zum Euangelio liebe vnd lust hette.
Ja das Euangelium vnd Wort Gottes ist ist an im
selbst klar gnug / vnd gibt einem iglichen krafft gnug / als
lerley Teufels schwermereien zu erkennen vnd zu vrteis-
len / wenn man nur die augen auffthun / vnd dazu thun
wolte. Es mangelt warlich am wissen vnd zeugnissen
nicht / sondern am guten willen.

Zum dritten / wiewol die Secten / ihrec
Draconischen art nach sich krümmen / vnd alles verwiro-
ren / so ist doch ihr Haupt irthumb / daran andere han-
gen /

Irthumen / zu richten vnd vrtellen.

gen / so grob vnd augenscheinlich / das er von Christen
 leichlichen mag erkand vnd gerichtet werden. Sehe ei-
 ner nur selbs einer iglichen Secten Irthumb an / vnd
 bedeneck in den / das sie beyneben andere sachen zum
 schein vnd betrug einmengen / sollen sich die einfeltigen
 sonderlich nicht lassen irr machen / viel weniger vmb
 derselbigen willen / den fundamentalischen Haupt Ir-
 thumb an jnen billichen vnd annemen / wenn der grund
 vnd ziel nicht gut ist / so ist auch alles das gebew darauff
 verloren / vnd kan die lenge nicht bestehen. Zum viers-
 den / so sind fast alle die jzt schwebenden Corrupteln ein-
 mal von vnsern Kirchen geurtheilet / wie solchs anderswo
 bewiesen ist.

Zum fünfften vnd letzten / so hat auch
 Gott on zweiffel allen Secten hinden vnd forn etliche
 Merckzeichen angehenget / dabey man wo man nur wolo-
 le / leichlichen den Volff vnterm schaffspels erkennen
 kan / Denn erstlich haben sie den Merckfleck an der sa-
 chen selbs / das ihre Lere vnd schrifftten / ein lauter ver-
 wirtes widersinnisch contradictionum chaos vñ grund
 suppen ist / heut Ja / morgen Nein / disz ihar schwarz / ein
 anders weis / wie solchs aus jren schrifftten klar ist / vnd
 habens auch die / so daw der schreiben / reichlich bewisen.
 Es hat newlich Theoderus Beza ein nachkem Caluis-
 ni / eine schrifft wider den bestendigen Lerer Tilemans
 num Heshusium Superintendenten der löbliche Christ-
 lichen stadt Magdeburg lassen ausgehen / darin (ich ge-
 schweige des vnerhorten lesterens / vnd Sathanischen
 hoffart) ob sich wol der giftige Wurm drehet vnd
 zwinget / so gibet er doch im Heubtpunct sein gifft klar
 gnug an tag / das man des Teufels kopff wol tasten

Gb vnd wie fern/ Secten vnd

möchte. Denn da er seine meinung vom Sacrament/ oder gegenwertigkeit des Leibs vnd Bluts Christi / fürs gelegt/ sagt er also/ Es wird vns ja der leib/ so am Creutz gehangen / warhafftig gegeben / vnd von vns empfangen/ denn er sey warhafftig im Abendmal gegenwertig/ so wol als die eusserlichen Elementen/ Brod vnd Wein etc. Bald darauff aber sagt er widerümb/ Ja wir empfangen Christum allein durch den Glauben/ denn er sitze im Himmel an einem gewissen ort/ weit von der Welt/ werde auch nicht auff die Welt kommen / denn am Jüngsten tage / wir müssen ihn vnd seine wolthaten / allein durch den Glauben empfangen. Dder Spitzbübischen schalckheit/ da man mit einer hand gibe/ vnd mit der andern widernimpt. Besiße sein Bnch/ Fol. 201. 202. 203.

Darnach haben sie auch sonst auswerdige greiffliche schandflecken / dabey sie jederman erkennen solte / Als das Papstthumb ist gar worden zu einer grewlichen Vnmenschlichen Tyranny vnd blutigirigkeit / Die Interimisterey gereth in Epicuristerey/ vnd eine Samaritische vergleichung allerleien Secten vnd Corrupteln. Andere Secten in ein Phanatissimum/ vnd zugleich auch in auffrhr etc. Andere noch wol gröblicher schandfleck lasse ich andere bedencken.

Ich meine ja / man köndte noch die Secten vrtailen vnd hinrichten/ wo man anders lust vnd guten willen dazu het. Aber worümb nicht allein etliche einfeltigen/ sondern auch die Gelerten klagen / vber der verwirrung vnd schwerheit der Secten / sind vnter andern diese vrsachen/ Man hat nicht lust darzu/ Man list die streitbücher nicht/ die bosheit ist gros / vnser alter Adam kühele die

Irthumben / zu richten vnd vrteilen.

die haut/ nach den schwermereien/ vnd eckelt ihn an dem hellen Liecht des Euangelij. Man hengt etlichen Hochgelarten blindlings an / ergert sich dagegen an den Beskennern der warheit/ so einfeltig vnd schwach/ auch mit stetem Creuz vnd verfolgung geplagt werden/hasset dies selbigen. Man veracht auch ist Lutherum vnd seine schrifften/ Man hette gern zeitlichen fried / vnd ein gut ruhensams Epicurisch leben. Man vermanet die Leute zum Gebet nicht / die Gelertesten schweigen entweder/ oder heiffen auch heimlich den Secten fort. So hat man sonst lust zum jamer vnd schwermereien/dazu dan kömmet / das auch Gott vns krefftige betriegerey zuschickt. Ich schweige der grewlichen vndanckbarkeit Deutsches Landes / nicht allein zur zeit des Interims begangen/ sondern auch hernach durch vnbusfertigkeit geheuffet/ das/das hindert das vrteilen.

Ich habe etwas zu lange hievon gered / muss aber thun / denn dis ist ihr furnempst Argument oder gegenwurf. Ehe ich aber gleichwol wider zur sache komme/ mus ich inen den grund dieses jrens doch nur anzeigen/ wo nicht aus dem herzen reißen. Sie / ihrer weisheit nach vrteilen vnd argumentiren also / In Weltlichen Philosophischen sachen / können arme einfeltige Leute/ Bawr vnd Ledrer nichts wissen oder recht vrteilen. Ergo/in Göttlichen sachen auch also. O lieber freund/ du scheust weit vnter den Berg/ gleubstu nicht/ das Gott gibt den mund vnd weisheit/wie andere ding zu richten/ also auch die Irthumben zu widerlegen? Vnd wem gibbers gemeiniglich? Den vnündigen/ seuglingen/Puzsillen Christi. Siehe an die erfahrung zu allen zeiten/die wir dichs leren. Nu zur sache.

Ob vnd wie fern/ Secten vnd

Wie nur Sollen dan diese einfeltigen
durchaus in allen gleich den Gelerten die Secten vrthei-
len? Nein zwar/ dieses so bisher gesagt/ mus gleichwol
mit Christlicher vnd gebürlicher bescheidenheit vnd mas-
se verstanden werden/ damit wir nicht vnmögliche dinge
der grossen schwachheit der einfeltigen auffzerlegen / denn
sie können nicht gezwungen sein / die Religionstreitte/
welche in andern nicht benachbarten Gemeinen schwe-
ben zu vrteilen / wo auch dieselbige ihnen nichts schedo-
lich/ oder so verwirrt sein/ das sie nicht leicht oder etwas
schwer können gerichtet werden. Auch dürffen vnd sol-
len sie nicht eben so/ wie die tüglichen/ vnd so sie verhan-
den/ Diener der Kirchen mit den Ketzern disputiren/ vnd
sich in kampf einlegen mit mund vnd federn/ sonderlich
vnd da auch alle not hinden ist. Gleichwol aber sollen sie
für andere Kirchen in gemein vnd in sonderheit beten/
vnd so viel möglich jr bekentnis thun/ da sie darumb an-
gesprochen werden.

Ich mercke/ es wil mir einer begegnen / vnd zu mir
sagen/ So verneme ich/ du wilt gleichwol haben/ das die
einfeltigen Christen die Irthumen sollen vrteilen vnd
verdammē/ derer stifter vnd forderer sie doch selbs nicht
mögen vberzeugen vnd widerlegen? Das ist mir ein eben-
teurisch ding / wider alle rechten vnd vernunft streit-
end / Denn wer einen straffen vnd verdammē soll/ der
mus auch können vnd mögen denselbigen obermögen
vnd confutiren. Antwort. Ja er sol ja vberzeugen/ wo
nicht durch seine krafft / doch durch seines eines Mit-
bruders/ Pfarherr/ oder andern Christen beystand/ da
auch wie isiger zeit nicht Synodi vnd Concilia gehal-
ten werden / Darumb auch Gott ist bekennet der war

Irthumen / zu richten vnd vnterlehen.

heit schicket / so die Kegermeister vberzeugen vnd vberwinden / vnd wenns einer auch gleich der that nach nicht zu thun vermag / so ist ers doch de lure schuldig. Vnd wird nu aber darumb nicht die freiheit gelassen / sich nichts fur den Irthumen zubewaren / oder sie nicht zu verbannen / denn wo ers nicht thut / wird er verfürt / vnd weicht also von Christo zum Sathan. Denn wie auch oben gemeldet / es nicht möglich ist / das einer in offentlich schwebenden Corrupteln vnd Religionstreitten / die lenge könne Neutralis / keinem part zugethan bleiben / Nicht Christus / nicht der Sathan leidet einen solchen. Darumb das ihr viel furgeben / sie wissen die anfinger vnd Patronen der Irthumen nicht vberweltigen / werden damit nicht entschuldigt / sonderlich weil irer nachlässigkeit gemeiniglich die größte schuld ist / das sie erstlich den Irthumb lassen einreissen vnd einwurkeln / Stellen die sache nicht dahin / da man als bald zusammen kunfft hielte / vnd da liesse aus Gottes Wort die sachen erkennen / vnd was irrig ist verdammen / Wo man solchs thete / würde keine förderung von schwerheit die Secten zu richten / stat haben / sonderlich weil auch Gott ihnen den einfeltigen in dem zu hülffe kömmet / das er beide die reinen Lerer / mit lauterkeit im Glauben vnd lere / bestendigkeit / auffrichtigem bekentnis / creus / seinem gnedigen schusz / erlösung / vnstrefflichem leben etc. vnd dagegen die falsche Lerer vnd Brüder / mit groben lügen / vnbestendigkeit / die jst ja / bald nein reden / mit vnordentlichem brauch des Predigampts / verfolgung der reinen beständigen Lerer / ihres anhangs Gottlosigkeit vnd Epicuristery zeichnet.

Summa

Ob vnd wie fern/ Secten vnd

Summa/ so können die einseitigen als gemein Volk/ wenns schon verführt wird/ nicht entschuldigt werden? Es kan warhafftig nicht entschuldigt werden/ denn/ durch Gottes vorsehung vnd schaffung/ geschichts/ das/ wenn eins lust vnd liebe zur warheit hat/ Gott dem reine Lerer vnd Prediger zuschicket vnd erhelt/ auch allen Kekerischen Wolffen wehret. Wenn aber dem die ohren iücken nach schwermereien/ oder sonst nicht lust zur warheit hat/ da kans bald geschehen/ vnd geschicht gemeiniglich/ das im Gott krefftige betriegereien vnd Verführer zuschicket. Aber gnung von dem andern Grade der Christen/ von welchen wir etwas weniger gehandelt/ weil sichs hie am aller meisten stösset. Nu wollen wir fort.

Im dritten Grade sind die jenigen/ welche zimlichen die Heubtartickeel Christliches Glaubens wissen oder verstehen/ Als da sind/ oder ja sein solten/ alle Pastorn/ auch alle Diacon oder Diener der Kirchen/ (die Superintendenten hie ausgenommen) viel außser dem Predigamt/ der meiste teil Studenten/ sonderlich der Theologien auff den hohen Schulen etc. Diese sollen vnd müssen/ von wegen der ehre Gottes/ vnd wegen der Allgemeinen Religion/ vnd von wegen irer seligkeit die Secten/ vnd offentliche Irthumen/ nicht allein die/ so in ihrer Gemein vnd Kirchen sind/ sondern auch die Ausländischen/ mit vleis vrteilen/ ihrem vermögen/ Person vnd Vocation nach/ wo vnd wie es not thut/ widerlegen vnd verdammen.

Wolte der liebe Gott/ das dieses etliche Studenten hin vnd wider in Vniuersiteten inen lieffen zu gemüt gehen/ vnd in Gottes furcht die sachen ein mal rechte

Irthumen / zu richten vnd vnterlehen.

recht bedechten / furwar sie würden nicht so blind vnd rasend in jr eigen verderbnis vnd Seelen schaden laufen / würden nicht so mit einem vnmenschlichen hassen vnd bitterm herzen wider die reinen / vnd vmb die ganze Kirchen / woluerdiente Bekenner Jesu Christi rennen vnd brennen / Würden auch nicht solche Epicurische ja Teufelische wort reden / vnd sagen / Wenn ich mich schon vmb diese Religionstreitte nicht bekümmere / wil ich dennoch selig werden / Ich will lieber mit diesem Preceptor in die Helle faren / denn mit jenem im Himmel sitzen.

Ich hette auch lust vnd vrsach alhie die stummen Hunde anzusprechen / vnd sie mit dem stecken Götlichen Wortes zu wecken / wo sie niche zuvor oft weren vergebens geruffen worden / vnd auch so tieff einschließen / das kein schreien noch vermanen mehr helfen wil. Ach der Wechter / wie gar sind sie schlammend? Wie dencken sie an den Eid / G D X / Christo vnd seiner Kirchen gethan? Haben gar vergessen der vermanung Pauli / so er thut / Acto. 16. Ach das jr euch doch einmal vber dem grewlichen vntergang der Herde / die Christus mit seinem theuren blut erkaufft / erbarmen möcht? Habt jr das von Luthero gelernet? Wie werdet jr an seinem erschrecklichen tage / da diese Controuersien werden müssen fur dem Richter Ihesu Christo Gottes Son / gerichtet vnd geurtheilet werden / mit frölichem gewissen können fur Christo / vnd der ganzen versammlung der Auserwelten erscheinen? Nu schlaffe / schlaffe wol aus / Es wird euch der zorn Gottes auch hie einmal also auffmuntern / das jrs fület.

Aber

Gß vnd wie fern/ Secten vnd

Aber wie dem / die in diesem Grade müssen gleichwol auch darauff sehen / das ordnung vnd zier gehalten / vnd man allerley ergernis / so viel möglich / verhüten möge. Es solte ja nicht gelidien werden / das ein jglicher Pastor / sonderlich darzu vntüchtiger / der Kirchen form vnd weise zu leren / zu predigen / zu beten / vnd was des mehr ist / furschreiben / oder auch wider die Secten Bücher solle lassen ausgehen / wo anders sein / die es entweder thun / oder besser thun wollen. Einem jglichen ist gleichwol sein Bekentnis vngewehrt / welchem bekentnis man nicht kan noch sol ziel vnd mass so setzen / wie man dem Ministerio thun mus.

Im vierden Grade vnd ordnung der glieder Christlicher Kirchen / sind nu die jenigen / welche die Heubtartickei ganzer Christlicher lere gründlich vnd wol verstehen / sind mit gab der sprachen / der weisheit vnd auslegung / von Gott furtrefflichen gezieret / vnd fur andern begnadet / Als da sind viel Gottseliger Menner / beide in Kirchen vnd Schulen. Ich meine nicht die Geistlosen Philosophen / oder Philosophotheologen / sondern die reinen vnd beständigen Lerer / welche man pflegt Superattendenten vnd Professoren der heiligen schrift zu nennen.

Diese zwar sind ganz vnd gar schuldig / die Secten zu vrteilen / vnd nicht allein die Religionstreitte zu führen / vnd den schutz reiner lere auff sich zu nemen / sondern auch auff die ganze Kirchen Gottes achtung zu haben / auff die Irthumen zu mercken / denselbigen widerstehen / widerlegen mit mund vnd schriftten. Item / das sie ausgesprengt / alle dafür zu warnen / vnd vermanen / sich dafür zu hüten. Summa den herkommenden Wolff nicht allein mit fingern denten / sondern auch
von

34

Irthumen/zu richten vnd vrtailen.

von der Herde Gottes mit dem stecken Göttlichen wort
es abzutreiben/vnd nicht allein den einheimischen/son-
dern auch Ausländischen Corrupteln zuwidersprechen/
wo anders nicht andere sind an jenem ort / die es besser
vnd nützlicher thun vnd vermögen/Denn sie sind die für-
nemesten Hütten der himlischen Beylag/Episcopi, der
mund vnd augen in dem Geistlichen leib der Kirchen.
Es sind seher/ Hunde/wie sie in den Propheten den Nas-
men/omb jres Ampts willen/haben.

Nu hieraus kan man auch beneben das verstehen
vnd mercken / worümb Gott fast zu allen zeiten / etliche
entweder durch mittel / oder one dieselbige erwecket/ vnd
sie mit einem gewissen bestendigē Geist begabet / das sie/
also zu sagen/ gleich als die algemeine Obristen Super-
intendentes der ganzen Kirchen sein / Nicht wie der
Papist/ sondern als Esaias/ Jeremias/ Elias/ Maccas-
beer/ Joannes der Teuffer/ Huss/ Lutherus/ vnd andere/
auch isiger zeit / vnd wie die zum teil / herrlich vnd in-
scheinlicher krafft ihr Ampt führen/ vnd bey allen gross
ansehen haben / zum teil in verdeckter krafft/ vnd in kei-
nen eusserlichen ehren.

Dieses zwar leßt sich wol reden vnd schreiben / aber
sehe nur einer/wie es ist zugehet / Wie viel sind ihr/die
vnter diesen grad warhafftig können gerechnet werden?
Man fürchtet / das Britis odio omnibus hominibus,
fürchtet das deponere, & expellere ē ciuitate in ciui-
tatem. Man meinet auch / das kempffen / oder wie
mans nennet / zancken mit den Secten / sey eine ver-
gebliche eitele arbeit / die mehr schadens bringe / denn
erbauung. Man verseume viel weil vnd zeit dabey
etc. Darümb weil ihr viel odium & crux drucken/
fere den mantel nach dem wind / Schweigen entweder/

Vnd wie fern/ Secten vnd

oder beflissen sich den Menschen zu gefallen zu reden. Aber ein gerecht vrteil spricht Paulus vber solche. Si hominibus placere aut placere conarer, Christi seruus non essem. Vnd Iacobus/ Qui vult amicus mundi esse, hostis Dei constituitur.

Vnd weil dan nu in diesem furnempsten vnd höchsten Grade / sich so mangel vnd vnordnung begibet / so geschichts / das es auch in allen andern desse wüster vnd wunderlicher zugehet / wie in einem Schiff / wenn der Schiffman nicht recht leitet / ob wol die andern mit macht rudern / so gehets doch nicht recht fort.

Endlichen im fünfften vnd letzten grade / mögen wir sehen die Weltliche vnd Christliche Oberkeit / denn auch die sollen Religionstreite vrteilen vnd entscheiden / Aber nicht durch Politische / Interimistische heimliche vergleichung / durch Amnistias / verschmierung (wie ist leider geschihet) durch Gottlose Epicurische Reche / Mammelucken / Achitophelen / nach Politischen regeln / vnd nicht nach der schnur Göttlichen wortes / sondern durch rechtmessige Synodos / Disputationes vnd vrteil / da man in Gottes Namen zusammen kömpt / Gottes Wort für hat / vnd die warheit vleissig vnd mit ernst suchet / Gottes ehre vnd wolfart der Kirchen warhafftig meinet / da man reine vnd beständige Lerer darzu braucht / vnd auch endlich / da die liebe warheit gefunden / die nicht vnter dem leuchter stecket / sondern der ganzen Kirchen zu derselbigen wolfart vnd Gottes ehre / fürhelt / vnd gleichsam als eine fackel in dem Haus Gottes anzündet. Der Könige vnd Fürsten rath vnd heimlichkeiten / spricht der Engel zum Tobia /

Irthumben / zu richten vnd vrtellen.

sol man bergen vnd innehalten. Aber Gottes werck soll man herrlich preisen vnd offenbaren?

Wie eine schöne / wie eine liebliche Harmonien vnd gestalt der Kirchen / wo es also im schwang gieng / wie dan solte / vnd auch wol köndte geschehen / Denn da die Superintendenten vnd Lerer der ganken Gemeinden Wolff vnd sein furnemen wissen / die Oberkeit wider die versfürer ein ernstes einsehen hette / vnd dermassen / wie gesagt / den Corrupteln fürkommen liesse. Die ganze Gemeine aber thette auch ire sorge vnd ernst dazu / flohe den gewisener Wolff / anathematizirte den / betete wider in / vnd lies also ihr Bekentnis leuchten etc. Würde nicht Gott selbs mit seinen Engeln seine lust vnd freude darüber haben? Als dan würde der Kirchen sache glückselig sein vnd wolstehen.

Also haben wir auff's kürzste / so möglich gewesen / auch das ander stücklein der oben fürgelegten frage / vberlauffen / vnd in einer summa / vnser / wie wir verhoffen / Christliche dem Wort Gottes gemesse meinung angezeigt / wie sich ein iglicher Christ in vrtellung der Irthumb vnd Secten / gebürlich vnd Christlich in der that verhalten solle. Weil aber in solchem eilen / wir nicht haben mögen einem iglichen Grad sonderlich regeln fürs schreiben / sehe ich von nöten sein / das man alhie zum beschlus eine algemeine Regel setze / auff welche ein jeglicher in diesen sachen sehen / vnd sich darnach richten möge. So solle nur ein jeglicher in dem thun das jeznige / so er gewis weis / aus Gottes Wort / des Geists manung / vnd den obgesetzten vsachen / das ers thun solle vnd auch möge / im Glauben / vnd mit gutem gewissen / vnd sehen zugleich auch auff die ordnung vnd zier / damit Gottes ehre nicht verlezet / sondern geheiliget / die Res

Ob vnd wie fern/ Secten vnd

Religion vnd Kirchen gebessert vnd erhalten / auch endtlich allerley ergermis / so viel möglich / verhütet werden.

Nach deme nu alhie gnug-

sam / von dem furgenommen handel vnd Materi / die Secten zu vrteilen vnd zu anathematiziren / bisher gehandelt / wil ich mich endtlich zu den Christen / wo die sind / in der ganken Welt wenden / vnd sie mehr bitten denn vermanen / sie wollen doch / vmb Gottes vnd der ganken Christenheit willen / der sachen hierin warnen / nicht wie die Epicureischen Christen / so geringe nach der warheit wider die Irthumen fragen / vnd die ist schwebenden Kotten vnd Secten / vnangefochten lassen.

Es ist doch dis vnser letztes end vnd zielmaß / worumb wir erschaffen / vnd auch erlöset sind / Nemlich Gottes ehre / die wir dan in allem zum fördersten suchen / die schätzen vnd retten sollen / So wil ja Gott / das wir jme diesen dienst erzeigen / das ist die aller tewerste werde Beilag des Euangelij / so er vns durch Martinum Lutherum seliger vertrauet / zu vnserm vnd der nachkommen zeitlichen vnd ewigen wolfare / bewaren / mit annehmung vnd bekennung der warheit / vnd verdammung der Irthumen / verheißt auch **G D E E** solchem gehorsam vnd wolthaten reichliche vnd ewige belonung. Ja da wir auch schon keinen eigen nutz dauon hetten / solten wir doch gern vnserm lieben **G D E E** in dem zu willen werden.

Viel sagen / ja wenn ich mich vmb die Religions streitte bekümmerte / würde ich vber die vnkosten / viel zeit

Erthumen / zu richten vnd vrteilen.

zeit in meinen studijs / in meiner handtirung etc. vers
 seumen. Ach der Buchristlichen sorg/ Es solts sich ein
 Christ in sein herke schemen / solche wort aus seinem
 munde zu lassen. Aber wie viel sind jr / die dagegen in
 der Philosophey / vnd in solchen künsten / dauon sie kei
 nen nutz / denn die vnnütze phantasey / vnd grawe haar
 kriegen / das leben zubringen? Können jnen doch die leu
 te offte zu zeitlichen / ja auch bösen thaten viel zeit ne
 men / können bisweilen vmb hundert taler etliche Jahr
 lang ein Gerichts handlung füren / den vleissig erlern
 en vnd behalten etc. Wie viel sind jr / die dem vnnützen
 Fechten / Kriegen / vnd anderm one sorge vnd klag nach
 gehen? Wie viel mehr nu solte man solches in diesen s
 achen thun / darinnen man vnsern vnd anderer ewigen
 nutz schaffen köndte?

Es wollen aber fromme Christen auch dis bedens
 cken / das der herrliche tag vnserer Erlösung nicht fern
 sey. Zwar wir haben diese aller gewissesten zwey zeichen/
 Erstlich / das ist vmb den abend vnd letzten zeit der welt/
 das Euangelium fast in die ganze Welt erschollen ist.
 Darnach / das wie es blöcklich angangen / also fellet es
 auch blöcklich dahin / das es durch Secten vnd Corrup
 teln / sonderlich verdunckelt / vnd in den herken der mens
 chen gar verleschet. Das solten wir vns ja lassen zu her
 ken gehen.

Ach laßt vns doch auch erbarmen / der armen vns
 schuldige kindlin / in der wigen ligend / damit sie von vns
 nicht eine Samaritische / sondern reine vnd Euangelio
 sche Religion bekommen.

Betrachte

Ob vnd wie fern / Secten vnd

Betrachtet vmb Gottes willen / wie der Teufel nicht feiret/ eine Secten nach der andern zu krefftigen/ ja auch einen Irthumb nach dem andern zu seen. Es stehet wol von im geschrieben / in der offenbarung Joz hannis / das er zu end der Welt sehr wüthen vnd toben werde/wie die wort lauten. Wehe denen die auff Erden wohnen vnd auff dem Meer / denn der Teufel kömpe zu euch hinab/vnd hat einen grossen zorn/ vnd weis/das er wenig zeit hat. Von vns aber stehen die propheceien/ Sie werden essen vnd trincken / sicher vnd guter ding sein etc. Darümb so gedencet ist an die wort Ihesu Christi vnfers Heilands / da er fur tausend iharen fur vns gesorgt / vnd vns so herrlichen fur den Secten vnd Irthumben gewarnet/ da er saget / Wenn sie sagen werden/ hie ist Christus/dort/in der Camer/ in der Wüsten etc. so glaubet nicht / denn es werden falsche Propheten aufferstehen/ die verführen möchten auch die Auserweltsen/ wo es möglich were.

Des mus mir ein steinern vnd adamantisch herze sein/das sich nicht erbarmet/ ober so vieler Christen vntergang/die von den Secten verführet / vnd jemmerlich an irer Seelen verwund vnd getödtet/ vnd also ins ewige verderben gezogen werd. Ist wunder/das nicht himel vnd Erden fur scuffzen darüber zergehen. Wir aber solten vns viel mehr solches durch herr/ marck vnd bein lassen gehen/weil die liebe vnter vns Christen sein solle/ das wir fur vnser Brüder in den todt zu gehen pflichtig sind.

Zwar in der ersten Kirchen war eine herrliche liebe vnter den Christen / da sie einmütig vnd eintrechtig ob der warheit hielten / vnd den Secten auch Tyrannen/ mit bekentnis vnd gebet widerstunden. Ja da sich ellische

Irthumen / zu richten vnd vrtellen.

che irrungen oder Kekerie im Niderland / als in Franck
 reich / Hispanien / vnd anderswo zugetragen / vnd erres
 get / so haben die im Morgenlande / in Asia / Egypto / vnd
 Grecia zu jnen geschrieben / sie getröstet / gestercket / fur
 sie gebetet / vnd mit irem Bekentnis / jnen wider die Ses
 cten helffen streitten / vnd so lang die liebe vnd einmü
 tige sorge weret / stunds vmb die Kirchen wol / da sie zu
 lezt auch verloschen / ist das Antichristische Reich mit
 vollem hauffen darcin gefallen.

Also solten wir auch thun / vnd vns in den semmers
 lichen betrübten zeiten verhalten. Barmherziger Gott /
 stehets doch vmb die liebe Christenheit fast also / das sie
 bald mit den abfelligigen vnd Heuchlern vberschattet / vnd
 also öde gemacht wird / das da einer / dort der ander
 Christ sein wird / vnd selten eine ganze Gemeine bey
 einander. Wollen wir vns dan auch selbs zu diesem
 jammer helffen?

Ach Luther / Luther lieber Vater / werestu jst bey
 vns / wie würde dir dis vnser schendlich wesen gefallen?
 Würdestu vns nicht anders mit dē stab Göttilchs worts
 auffwecken? Wie oft hastu in deinen letzten Pro
 digten die ganze Christenheit so herrlichen vermanet /
 wider die Keker zu wachen / zu beten / vnd zu kempffen.
 Aber darneben auch warhafftig verkündigt / wie es nach
 deinem tod zugehen werde / Ja es kömpt fast dahin / das
 man dein vnd deiner Lere vergisset. Ach mit dir ist die
 reinigkeit / eiffer vnd beständigkeit schier gar gefallen
 vnd verschieden.

[Faint bleed-through text from the reverse side of the page, including words like "Denn" and "wird"]

Ob vnd wie fern/ Secten vnd

Darumb O lieben Christen / die jr Gott von herren fürchtet / gedenckt doch widerumb an vnsern lieben Vater Martinum Lutherum / löblicher gedechtnis / als durch welchen vns Gott aus dem Reich des Antichrists gnediglich vnd herrlich gefürt. Ist euch ewre ewige seligkeit lieb/so thut seiner Christlichen vermanung nach/darmit wir mit ime / mit dem lieben Chürfürsten vnd andern beständigen Christen / schier fur dem angesicht des Allmechtigen Sons Gottes Ihesu Christi / fur dem Himlischen Vater/heiligem Geist vnd allen lieben Engeln/mit allen Auserwelten/in grosser herrligkeit/freude vnd trost/wider das Papstthumb/ alle Tyrannen vnd Verfolger/alle Secten vnd Gottlosen/die vns ist engstigen/tretten vnd bestehen mögen/ewiglichen.

Vnd damit ich von euch gleich das Valete oder hinscheiden neme / so sage ich / vnd wird gewis sein/werden wir vns vmb die liebe warheit einmütiglich annemen / vnd dagegen mit gebet / bekentnis vnd Creuz / so Gott zuschickt / den Kotten vnd Secten widerstehen/ so wird das Euangelium noch ein zeitlang bey vns im Deutschenlande bleiben / vnd nicht so bald die lezte Epicurisch Welt einbrechen. Wo aber nicht/so ist nichts gewissers/ denn das vns vnd vnserer Nachkommen / Gott mit krefftigen Irthumen straffen / vnd werden müssen auch schuldig sein/an allen denen/so nach vns vnserthaben verfürst werden.

Der Allmechtige / Lebendige trewe Gott / wolle vmb Iesu Christi / seines zu seiner rechter sitzenden Sons willen/der Amnistien Blasbelgen/ vnd der Reministen vnd Epicurer schmiedere stewarten vnd wehren / vns aber auffwecken / wider allerley ist schwembende

Irrhumen / zu richten vnd vrtailen.

**bende Secten vnd Corrupteln / auch derselbigen Patros
nen / eintrechtig zu streitten / zu seiner Ehre / vnd
der armen betrubten Kirchen heil
vnd seligkeit / Amen.**

*Clerici debent ESSE AVDACES AD DEFENDENDVM LEGEM
DEI in auc. de non ali. aut permu. re. ec. parag. diligen. col. ij*

*CLERICVS EST MILES COELESTIS. Institut. de exc. tu. parag.
Idem in milite. in glos. super uerbo nolens.*

R ij Deut.

Deut. am 13. Capitel.

WENN ein Prophet oder Treumer vn-
ter euch wird auffstehen / vnd gibe
dir ein zeichen oder wunder / vñ das
zeichen oder wunder kömpt / dauon er dir ge-
sagt hat / vnd spricht / Laß vns andern Göt-
tern folgen / die jr nicht kennet / vnd in die-
nen / So soltu nicht gehorchen / den Worten
solcher Propheten oder Treumer. Denn
der Herr ewr Gott versucht euch / das er er-
fare / ob jr in von ganzem hertzen / vnd von
gantzter Seelen Lieb habt. Denn jr solt dem
Herrn ewrm Gott folgen / vnd in fürchten /
vnd seine gebot halten / vnd seiner stim ge-
horchen / vnd im dienen / vnd im anhangen.
Der Prophet aber oder der Treumer soll
sterben / darumb / das er euch von dem Herr-
en ewrm Gott (der euch aus Egyptenland
gefüret / vnd dich von dem Diensthaus er-
löset hat) abzufallen geleret / vnd dich aus
dem wege verführet hat / den der Herr dein
GOTT geboten hat drinnen zu wandeln /
Aluff das du den bösen von dir thust. Wenn
dich dein bruder / deiner Mutter Son / oder
dein Son oder dein Tochter / oder das weib
in deinen armen / oder dein freund / der dir
ist

ist wie dein hertz / vberreden würde heimlich / vnd sagen / Laß vns gehen vnd andern Göttern dienen / die du nicht kennest noch deine Väter / die vnter den Völckern vmb euch her sind / sie sind dir nahe oder ferne / von einem ende der Erden / bis an das ander / So bewillige nicht / vnd gehorche ihm nicht. Auch sol dein auge seiner nicht schonen / vnd solt dich seiner nicht erbarmen / noch in verbergen / Sondern solt in erwürgen / deine hand sol die erste vber ihm sein / das man in tödte / vñ darnach die hand des gantzen Volcks. Man sol ihn zu tod steinigen / denn er hat dich wollen verführen / von dem HERRN deinem Gott / der dich aus Egyptenland / von dem Diensthaus geführt hat. Auff das gantz Israel höre vnd fürchte sich / vnd nicht mehr solch vbel furneme vnter euch.

Wenn du hörest von irgend einer Stad / die dir der HERR dein Gott gegeben hat / drinnen zu wohnen / das man sagt / Es sind etliche kinder Belial ausgegangen vnter dir / vnd haben die Bürger iwer Stad verführt / vnd gesagt / Laß vns gehen vnd andern Göttern dienen / die ihr nicht kennet. So soltu vleißig suchen / forschen vnd fragen. Vnd

so sich findet die warheit / das gewis also
ist / das der greuel vnter euch geschehen ist.
So soltu die Bürger derselben Stad schla-
hen / mit des Schwerds scherffe / vnd sie ver-
bannen / mit allem das drinnen ist / vnd ihr
Diehe mit der scherffe des Schwerds. Vñ
allen ihren raub / soltu samlen mitten auff
die gassen / vnd mit fewr verbrennen / beide
stad vnd allen iren raub mit einander / dem
Herrn deinem **GH** / das sie auff einem
hauffen liege ewiglich / vnd nimmer gebawet
werde. Vnd las nichts von dem Ban an
deiner hand hangen / auff das der Herr von
dem grimen seines zorns abgewendet wer-
de / vnd gebe dir barmhertzigkeit / vnd erhar-
me sich deiner / vnd mehre dich / wie er dei-
nen Vatern geschworen hat. Darumb das
du der stim des Herrn deines Gottes ge-
horchet hast / zu halten alle seine gebot / die
ich dir heut gebiete / das du thust was recht
ist / fur den Augen des Herrn deines Gots-
tes.

Gal. I.

So auch wir / oder ein **ERB** vom
Himel / euch wird Euangelium predigen /
anders dan das wir euch gepredigt haben /
der sey **ANNA**.

Hiob xix.

Ich weis / das mein
Erlöser lebet.

Bedruckt zu Eisleben / durch
Urban Gaubisch / won=
haffrig auff dem
Graben.



Handwritten text, likely bleed-through from the reverse side of the page. The text is mirrored and appears to read: "Handwritten text" and "Handwritten text".

Handwritten text, likely bleed-through from the reverse side of the page. The text is mirrored and appears to read: "Handwritten text" and "Handwritten text".



1219-18

